

Uthaithi wa kila muthenya
Wathani waku wa kila muthenya

Umya

1

Mwai wa mbee – mwai wa keli – mwai wa katatu

2026

Úvoa Múseo

Kila Múthenya

NI MANA

NDYAILE KÚTHOOW'A

huoku yǐ nǐ bēi nǐ huī sǐ
 wǒ qù yǐnāngpǔwǔ mǎn

Ta manzi mathithu kwa mündú wi waúni, now'o úilyi úvoo múseo umite nthi ya kúasa [nthimo 25:25]

Uebert & BeBe
ANGEL



Úvoo múseo wa úthaiti kila muthenya ni ndeto ya wathani waku wa kila múthenya na uthwii wa yulu wa kiklisto úndikitwe kwa úndu wa kuthusya kiivevabila muthenya wa mwaka. Ni yietae úi , uvuanyo wina vinya, na watho wa wathani wa kila muthenya yina kieleelo kya kunenga asomi thayu uilyi wa klisto, wina mii ya umanyiso wina ualyulo na uvuanio wa mwathani Uebert Angel. Yi yumw'a kila myei itatu, ivuku yii yivathukanitw'e ni kuvikia nthi yonthe n ani ya mana ithyomo mbingí ni ketha tusinde uvathukanu wa ithyomo na kuikiithya kana útúme úú wa kúalyula thayu núukwatikana kila vandú nthí yonthe. Vena maumya atátú kívathúkany'o, andú aima, múika, na syana, úvoo múseo wa kila múthenya úetae ndeto ya wathani kwa kila nzyawa, iithuthya mísyi kwiana ímwe na múikíío na úvuany'o

UEBERT NA BEVERLY ANGEL

Mena útúika mwíanu wa kútavania ndeto ivinda yonthe, Uebert na Beverly me mawasya manene ma kutavania ndeto nzeo ya mumo wa Ngai [Euangelion] na kuendesya ndeto ya wathani nthí yonthe. Tamo aandiki ala aseu kuthoosya mavuku ma uthuthyo ta. Spiritual Warfare, Prayer Banks, Supernatural Power of The Believer, Grace Driven Life, and the Goodnews Daily devotional , mena músango múnene muno nthini wa umanyi wa uklisto. Mesíkie kwa woni woo , waki, na útongoi wí mwanya, Uebert na Beverly nímethaa aneeni ma kwíkwatw'a maúmbanoni. Ta ambíísyá ma kanisa wa úvoo múseo nthi nima [Spirit Embassy] na ala makwatíe ovisi wa wathani, nímethíítwe maivikia na kukiita mathayu ma andú milioni mbingi nthí yonthe, makwatííwe ní músukumo na kwíyumya matavany'e úvoo múseo wina úvuany'o na úalyúlo wa mumo wa Ngai [Euangelion]





WELCOME TO THE YEAR OF STRANGE OIL

Meko ma atúmwa 19:11 [KJV]

Na Ngai eeka mavinya mataaĩkwa nĩ mündũ na moko ma Vaulo

Ndeto "eeka" músoani úú yíaly'úlítwe kuma kíkliki "poiéó" kúmaanisha kwaka kana kúseúvya kíndu kwa nzía ya útúika. Kíí kiumbúla kana syama ila syeekikaa aeveso umo wasyo waí wa útúika., ngeni, syama ite sya kawaida itaoneka ingi.

Mútúme vaúlo eeyithiie aitembea unenení wa syama ite sya kawaida, vaasa na mesilya make, kúvítuka syama syoonthe waí aaona ívínđanı ya útavania wake. Ii syai maí maúndú ma yíulú múno.

Elewa ndeto ii "kwisíla mokoní ma vaúlo" syítwonía kana Ngai eanisyaa wendi wake kwisíla syana syake. Kwisíla moko maku, mokusi mate ma kawaida makooka kwianía. Ukeeka maundú manene mataaoneka musyíní kwenyu, viasala, kyonthe kila kiukoneteye, ní yiambíía oyú.

ÚNEENI WA WATHANI

Úú ní mwaka wakwa wa kwíka maúnene na syama ite sya kawaida. Níathanía kíla múthenya wa mwaka úú mweú yiete maúseo ma Ngai kúla nĩ. Úú tí mwaka wa úvalúka, ní mwaka wa kúkíla ísyítwaní ya Yesú.



KÚSOMA MBEANGE

Maliko 16:17-18



**MÍTHENYA 365 YA KÚSOMA
MBIVILIA – MÚTHENYA WA 1**

Mwambílílyo 1-3, Mathayo 1

GoodNews
DAILY

SYÍIVA SYAMA ISU?

Maliko 16:17-18 [KJV]

Na syama ii ikamaatíia ala meítíkíla: syítwaní yakwa makaumya ndaimo-ni; makaneena na ithyomo nzaú; makakwata nzoka, na ethíwa makanyw'a kíndú kyúaa, kíkamathúkyá nongi; makamailíla moko ala awau, na maka-voa

Yesú eonania syama ila ikonanaw'a na ala mamúíkííaa. Úú wímaanisha ethíwa ki núíkííaa Yesú, ndwísa ítha úyímakía. Ethíwa núúkía, múthw'ii waku, kwambíia viasala, kana maúnyanya, yu uíkííaa Ngai wíva?

Maandíko ma úmúnthí measya kana syama ite sya kawaida na syí vinya siatííaa ala maíkííaa Ngai. Ethíwa syama iyíúkúatíia, sísyá kíwango kya múíkíío waku.

Nilííle moko ngili sya andú amwe mena maúwau ala mathúku vyú mesíkíe ní andu, ateo ndikííaa kúkwatwa ní maúwau asu. Nínísí ninyie úú, na wia ndwí nthíní wakwa.

ÚNEENI WA WATHANI

Mwaka ùù wa mauta mate ma kawaida, ndikakwatwa nì ùndù mùthùku. Ndevili okie e mùselee kwa ùvalùku wakwa, Nì mùsindi isyitwani ya Yesù! Aleluya.



KÚSOMA MBEANGE
Luka 10:19



**MÍTHENYA 365 YA KÚSOMA
MBIVILIA – MÚTHENYA WA 2**
Lúka 1:1-20; Savulí 1-3



NÍNÍKÍIAA SYAMA

Aevelania 2:4 [NLT]

Ngai nake akíkúsiĩa vamwe nao, na syama na moseng'yo na mavinya ma mĩthemba mingĩ, na mĩhĩnzĩo ya Veva Mũtheu, kwĩanana na kwenda kwake

Nĩ úndú wa úseny'a kwitha amwe andú mesĩ mísoa ya mbivilia masyaa syama nĩsyathelile, ateo mawoni asu methaa matekúeleeka na matena úmanyi. Amwe maitú me thayú, kúveva, kwona, na kwíkala na syama kila múthenya. Kúíkíĩa Ngai nĩ kúíkíĩa syama. Ethiwa ndúíkíĩaa syama , ndúíkíĩaa Ngai.

Kyama nĩ ıla Ngai kwa nzĩa ya yíulú úlíkíĩlaa maúndú ma andú. Ngai, úla nĩ veva, ekalaa anganí sya veva. Íla wasúngĩa mboya kuma anganí isu itonekaa nginya kúú kwonekaa, kiu níkyo kyama.

Mwaka ùù wa mauta mate ma kawaida, Ngai eenda kwambatya kiwango kya syama thayùni waku. Twi ivindani ya maúndú ma kùsen'ya. Ambĩia kwika ùndù ndeto inúkwasya na kwaka mùikĩio waku nginya ıla maúndú mate ma kawaida metw'ika ma kawaida thayùni waku.

ÚNEENI WA WATHANI

Níneena syama mbingĩ thayúni wakwa oyu vinyaní úla nínengengetwe nĩ veva mútheu! Kyonthe kila ndenakyo, kyúke oyu wasyanĩ wa ndeto syakwa ísyitwanĩ ya Yesú.



KÚSOMA MBEANGE
Malaki 16:20



MÍTHENYA 365 YA KÚSOMA
MBIVILIA – MÚTHENYA WA 3
Mwambĩlĩlyo 4-6; Mathayo 2



OSA MBINGILO

Mathayo 7:13 [KJV]

Votai inyw'ĩ nthĩnĩ na mbingĩlo ĩla ntheke: nũndũ mbingĩlo nĩ nthanthau, na nzĩa nĩ mbaamu, ĩla ĩetele wanangĩkonĩ, nao nĩ aingĩ ala mavotelaa mbingĩlonĩ ĩsu.

Kweesilye útúmítwe kwĩka úndú na wĩna maúndú elĩ: Lelú úla wa laisi úthelelaa kík'w'únĩ, kana lelu úla wĩna maúmú úendete thayúnĩ. Kĩla úmwe úendaa kanisanĩ aile úsakúa undú wa kelĩ. Núú úla úkwenda kwasya thayú, tiw'o? Índĩ vatiilye ou.

Aklisto amwe meyíthĩaa nzianĩ ĩĩ ya laisi ya maúndú ma nthĩ, ĩla ĩseúvitw'e na taa ngelemu, wathi úúkwata, únyanya wĩ múyo, na kĩa kindú lelu úla múnene wa thayú únenganae. Tw'íkithya mwaka úú úla útakauma mbingĩlonĩ ĩla ndúngalu yĩendaa thayúnĩ wa tene na tene.

ÚNEENI WA WATHANI

Niathana kana thayú wakwa ndũkaĩa nzianĩ ĩla nthanthau. Mwaka ùu wa mauta mate ma kawaida, metho nĩmavingũku vyu kwa ùvùngũ na ùseleke wa mũmaitha. Ndevili okie e muselee; Ndyĩsa kùvingĩsika nongĩ!



KÚSOMA MBEANGE

Lúka 13:24



**MÍTHENYA 365 YA KÚSOMA
MBIVILIA – MÚTHENYA WA 4**

Mwambĩlĩlyo 7-9; Mathayo 3



THAANYÚKA VO!

Malaki 9:38-39 [NLT]

Yoana amwĩ, Mũmanyĩsya, nĩtũnoonie mũndũ akyumya ndaimoni na syĩtwa yaku; na twamũvata, nĩkwĩthĩwa ndeũtũvikĩla. Īndĩ Yesũ asya, Mũĩkamũvate: nĩkwĩthĩwa vai mũndũ ũla ũkeka wĩa wĩ vinya na syĩtwa yakwa, na oyu mĩtũkĩ akaneenea naĩ

Naĩ namanyĩie kwona syana syakwa iisindana kũwetana ũthũku ũla syĩkie. Kĩla mũthenya , ũmwe wamo nĩwaetae ũtũmani. Nĩsilya ũndũ amanyiw'a ĩla maendie ũtavya Yesũ yĩlũ wa "ũla" weekaa tamo. Ateo vandũ kũkemea mũndũ ũsu , Yesũ amakania.

Mundu usu ndaeteela kindu ona kimwe, ambiie kumya maimu isyitwani ya Yesu! Ona tuyisi we ai uu, ateo musikali ngumbau! Asyaiisye kwa vakuvi, na ĩla woonie mwanya, ambiie kwika otundu Yesu weekaa!

Mwaka ùù, ndũketelee ùndũ ona wĩva. THAANYUKA NTHINI! Iwe sya uamukyo syina vinya muno mwaka ùù wa mauta mate ma kawaida.

ÚNEENI WA WATHANI

Mwaka úú, nĩna ũtanu kũlĩka ũndúnĩ ũla Ngai úkwĩka. Ninyie "ũsu" ũla mũsikalĩ úkwĩka maúnene ĩsyĩtwanĩ ya Yesũ. Aleluya!



KÚSOMA MBEANGE

1 Akolinto 12:3



**MÍTHENYA 365 YA KÚSOMA
MBIVILIA – MÚTHENYA WA 5**

Mwambĩlĩlyo 10-12; Mathayo 4

GoodNews
DAILY

MBOYA YA KANDALASI NINI

Nzekalia 4:6 [KJV]

Nívo wasũngĩie akĩneena nakwa, akyasya, Īno nĩ ndeto ya Yeova kwa Nzeluvaveli, ĩkĩmwĩa, Ti kwondũ wa vinya mwingĩ, kana kwondũ wa ũtonyi, ĩndĩ nĩ kwondũ wa Veva wakwa, easya ũu Yeova wa nguthu.

Nĩ úw'o wĩ woo kwĩtha aklisto aingĩ mesilasya thayú ní wa ngúí. Methaa meyíelele maũndúnĩ ma ú veva. Mavyaa ndatika itatú kwa múthenya na maimina, ethíwa nimalilikana úvoya. Mithenya ĩla mívúthú vyú malilikanaa úvoya, wanangĩko úyúya kilíko kyoo. Ateo, kĩa matolawa níkyo ní kwĩa andú ala angĩ mamavoyee

Núkwona, mathína maku makathelaĩla wimanya úseo wa kwívoyea. Músoa wa úmúnthĩ úneenete na wíkwatyo, ĩla andú mekwasya Ngai núkúka úmatethya. Lakini akoka úmútethya ata etha múyíúneena nake mboyani?veva wake akeyonania ena vinya thayúnĩ waku ata etha wíkaa úvoyewa ní andú angĩ?

Eka únengane kandalasi ya thayú waku kwa andú angĩ.

ÚNEENI WA WATHANI

Níosa útonyi w'onthe wa thayú wakwa wa mboya úmúnthĩ. ĩa ngúvoya yu, nítembea nthínĩ wa úsumbí w'onthe, úsindi, na únene úendeeye na kwongeleka ívinda yonthe, ísyítwanĩ ya Yesú.



KÚSOMA MBEANGE

1 Yoana 5:14



**MÍTHENYA 365 YA KÚSOMA
MBIVILIA – MÚTHENYA WA 6**

Mwambĩlílyo 13-15; Mathayo 5:1-26



Avilivi 2:8 [KJV]

Na ooneka e na wũmbe wa mũndũ, eenyivya mwene, atw'ika mwĩwi, o na kũvika kĩkw'ũ, ĩĩ, kĩkw'ũ kya ngelan'yo.

Múúndanĩ wa ngethisemani, ndatĩkanĩ sya mwiso Yesú atanamba úkwatwa akambwe, avoyie múno, ayasya, "Asa, ethiwa ni Kwenda Kwaku, mbetangĩe kikombe kíĩ mbee wakwa: no ti Kwenda kwakwa, ateo Kwaku kwĩthĩwe" [Luka 22:42] Núona kíu? Mwĩaiĩ Yesu ndendaa kwĩka ou, waĩ úndú múmú úla weekie! Kwiw'a ti kwĩka kĩla we wendete, ní kĩla Ngai wĩthaa ayenda wĩke.

Ona ívindaní yĩla yúmú, eethĩwe e mwĩw'ĩ. Ana-asa na eetu-asa, kyama kĩla úkwenda kí ngaliko íya íngĩ ya kwĩw'a. Sakúa kúmwiw'a Ngai.

ÚNEENI WA WATHANI

Níathana thayú wa kwítĩkĩla kĩla Ngai wĩte mbee wakwa. Níngwĩnyivya na kúeka veva wa Ngai andongoesye maúndúnĩ on the ísyitwanĩ ya Yesú! Amenĩ



KÚSOMA MBEANGE

Alomi 5:19



**MÍTHENYA 365 YA KÚSOMA
MBIVILIA – MÚTHENYA WA 7**

Mwambĩlĩlyo 16-17; Mathayo 5:27-48

GoodNews
DAILY

MÚVANGO ÚLA MÚNENE

Yelemia 29:11 [KJV]

Nündū nīnīsī mosūanīo ala nīsūanīaa kwondū wenyu, easya Yeova, mosūanīo ma mūuo, na ti ma ūthūku, kūmūnenga wīkwatyo mūminūkīlyo wenyu

Ilungu syambee mīongo ina na itano sineenete mūno yiulu wa ūsilīlo ūla ūkite yuta nūndū wa kúlea kúíkíí na kúema kwíw'a . ūw'o, yelemia esíkíe ta mwathaní wa kúía nūndú ekalíte ayúkita na ūthúku wa ívinda yake. Indi katikati wa undu usu w'onthe, Ngai athanaa kindu kiseo; "ninisi miavngo ila ninayo kwondu waku, mivango ya useo ti uthuku!"

Musoa uu ilikiilaa ineene na wīkwatyo wa itu. Ona nthi yusiwe ni kivindu, Ngai nukenasya kyeni kyake.

Mwakani ūu wa mauta mate ma kawaida, tembea na ūkūmbaū was Ngai ndaiite ūtalo wa mothūku. Vatili wa ūu, athingilīlāa kana mūvango wake mūnene yiulū waku niw'o mūseo vyu!

Ika undu ndeto ikwasya onetha muthenya uilyi ata.

ÚNEENI WA WATHANI

Vai ūthúku ūkosa mwanya thayúní wakwa úmúnthí. Mívango ya Ngai thayúní wakwa ní mbaiļu, na níúngamíte úlúngaluní úsu ísyítwaní ya Yesú! Amen



KÚSOMA MBEANGE

Avilivi 1:6



**MÍTHENYA 365 YA KÚSOMA
MBIVILIA – MÚTHENYA WA 8**

Mwambílīlyo 18-19: Mathayo 6:1-15

GoodNews
DAILY

AKA MÚNDÚ

1 Athesalonika 5:11 [KJV]

Kwondũ wa ũu kiakian'yai, na kũla mũndũ akyaka ũla ũngĩ, o ũndũ mwĩ-
kaa.

Andũ amwe mosaa kanisa na matena ngũĩ nũndũ memantha mũndũ wa
kũmatethya.

Monaa ísu ta nzĩa ya kũmanyana na andũ níkenda makwate thayúnĩ. Amwe
mevau tú matethw'e. Kweesilye, ethiwa kũla múklisto níwosa músoa wa
úmũnthĩ, eyumĩtye kútethya andũ ala angĩ atekweteela kútethw'a. Mwĩĩ
wa klisto wĩtha na vinya mwingĩ muno.

Etha waaĩa kwĩw'a wimũtenge, úkalewa, kana kúemas útethw'a, súanía
ala angĩ matonya ítha mayĩw'a ou. Kwa ou, osa ítambya ya kúmasĩsya ala
mwĩsĩlĩte maũndúnĩ tasu. Mathuthye na úimekĩa vinya. NDúkekale thayú
waku wĩ weka, ítha wĩ wa wĩkwatyo kwa ala angĩ. Mwakani ùũ wa mauta
mate ma kawaida, ítha wĩ wa kwĩkwatw'a andũni ala angĩ. Aka mũndũ
na ùtũmanĩ wa kúmũthangaasya, múkúnĩe simũ, kana ùmũtembelee
ùmũnthĩ. Ùũ niw'o ùkilisto wa meko.

ÚNEENI WA WATHANI

Níukĩla ta múamba wa kutwĩika nake mũndũ ùmũnthĩ. Kwa mumo wa
Ngai ula úuthúkũma nthĩnĩ wakwa, kũla úmwe ngúkomana nake ùmũnthĩ,
núkũthangaa, kwĩw'a emwĩkie vinya na kũthuthw'a ísyítwanĩ ya Yesú!
Ameni.



KÚSOMA MBEANGE
Aevelania 3:13



**MÍTHENYA 365 YA KÚSOMA
MBIVILIA – MÚTHENYA WA 9**
Lúka 1:21-38; Savulĩ 4:6



NO ÚÍKÍWE?

Lúka 16:10 [KJV]

Úla wĩ na kĩthito ũndũnĩ ũnini mũno, e kĩthito maũndũnĩ manene: na ũla ũte mũlũngalu ũndũnĩ ũnini, nake ti mũlũngalu maũndũnĩ manene.

Nĩlilikana mĩthenya ya mwambĩio ya úthúkúmi úu. Ta mwathani wa múika wĩna úw'o wa wa múvango wake kwa andu, naĩna mea ma kútwaa úvoo úú wa ísaa yíí nginya mwiso wan dunia Vai mítúkí ya úthúkúma, na yaí lasima nĩthi na mítúkí. Na veo úu, Ngai níwandwaie katí ka kíla kílasi, kíla úvundísyo, ísomo nthíní wa sukulu wake wa yíúlú. Ndyakíla kílasi. Naí o mwathani úla úmwe na kanisa wa andú múonza kwa mwaka múima na úmúnthí núsúsya iwanza.

Ìkĩithya kana no ùikĩike na syĩndù ila nini, na ùyona Ngai aikúkilya mwakani ùù wa mauta mate ma kawaida!

ÚNEENI WA WATHANI

Níneena veva wa úkíkíku nthíní wakwa. Kyonthe kíla ngwíka, ona kínyivíte ata, ngakíkaa na veva wa únene ísyítwaní ya Yesú! Amení.



KÚSOMA MBEANGE

1 Akolinto 4:2



**MÍTHENYA 365 YA KÚSOMA
MBIVILIA – MÚTHENYA WA 10**

Mwambĩlĩlyo 20-22; Mathayo 6:16-34



OWAANI ÍKOMANONÍ!

1 Yoana 3:15 [KJV]

O mündũ ũla ũmenaa mwana-a-ĩthe nĩ mũaani: nenyu nĩmwĩsĩ kana vai mũaani wĩ na thayũ ũtathela ũtwĩe nthĩnĩ wake

Ndiútavya ní mala meanaala ngomaníte na andú mamenaníte na me kanisanĩ úmwe, mayithukĩisa ndeto ímwe, mayina mbathi imwe, na maithi músyĩ mate aalyúku.. Ona angĩ, ní andú ma músyĩ, na meúkita kyumwa kĩima na maithi nyúmbanĩ ya Ngai na ngúa ila nzeo vyú.

Túkosa músoa wa úmúnthĩ nesa, íkúlyo ya úkelemya kilíko nýúkaa, ní owaani meana me kanisanĩ úmúnthĩ? Andú makuanĩite úthú, angĩ mena miaka íkúmi na kúendee o mayasya mena thayú ũla wa klisto nthínĩ woo.

Yesú anenganie mwíao úmwe: endanai ene kwa ene. Ti úndú wa úsenya. Osa itambya ílúmu yíúlú wa kímene; ní úvathúkanu na mwíao wake.

Nĩ mwaka mweú. Ívundísye Kwenda, ambíia oyu.

ÚNEENI WA WATHANI

Niathana thayũ mweú usũitwe nĩ wendo. Ndikakua kímene múthenya ùngi mwaka ùu wa mauta mate ma kawaida isyitwani ya Yesù, Amen.



KÚSOMA MBEANGE

Yoana 13:34



**MÍTHENYA 365 YA KÚSOMA MBIV-
ILIA – MÚTHENYA WA 11**

Mwambílíilyo 23-24; Mathayo 7

WAKWAMBÍLÍLYA, MWAI
WA MBEE MATUKÚ 12



NDÚKASYE MÚÍKÍÍO

Malaki 1:11-13 [KJV]

na wasya wauma ítunĩ, We nue Mwana wakwa mwendwa, nendeew'e nue. Na oyu Veva amútwaa na vinya weúni. Na aĩ ku weúni matukú mĩon-go ĩna akítatwa nĩ Satani; na aĩ vamwe na nyamú sya kĩthekeanĩ; na alaĩka nĩmamúthúkúmaa

Núona, kana yĩla Yesú waminie kúĩkĩĩthw'a ta mwana úla wendetwe ni Ngai, akomanie na maútato. Úú wiútavya úndú thayú wa múklisto úilye. Waaĩsa úmanya úndú aa ingĩ, oou ítina wa úndú múseo kwĩthĩwa, úkomanaa na úndú úngĩ múthúku? Úu níw'o múmaitha úthúkúmaa. Muvango wake nue wasye múíkĩíio na Ngai.

Íla Ngai wamina úkúĩkĩĩthya ta mútandĩthya, múĩthi, mútwawa, múio wa útwawa, múteti, eteela úvinganĩsyo, ona kuma anyanyau na andú ma músyĩ. Yesú atatiwe taku, akomanie na nyamú sya kĩtheke sya thayú o taku, LAKINI NÍWASINDIE! Ndukasye muikiio, wi musindi.

ÚNEENI WA WATHANI

Ndikasya múíkĩíio, ona nakomana na úvinganĩsyo wíanata. Nínísindíte kĩa nyamú ya kĩtheke weúni wa ú veva; Nĩ músindi nthĩnĩ wa klisto. Aleluya!



KÚSOMA MBEANGE

1 Akolinto 10:13; Yoana
16:33



MÍTHENYA 365 YA KÚSOMA MBIVILIA – MÚTHENYA WA 12

Mwambíĩĩlyo 25-26; Mathayo 8:1-17

GoodNews
DAILY

ÍKÍÍÁ MÚSOLI

Nthimo 3:5 [KJV]

Íkííá Yeova na ngoo yaku yonthe, Na ndūkekwyatye ūmanyi waku mwene:

Amwe ma maandíko makwa ala nendete múnó yíúlú wa múíkíío na kúíkíía Ngai yúmíte kúla kwí avalaamu, múlúngalu wa tene. Úú níw'o maandíko mekwasya, "kwa múíkíío Avalaamu, íla weetiwe aume athi vandú vala ekalanga wookaa únewa ta útiíwa, eew'a, na auma athi, atesí kúla úendete" [aevelania 11:8]

Kweesilye o kwa ndatíka, Ngai akwííte útie kíla kíndú kyonthe wísí na úyambíia kúthi ngalíko yonthe, útemúne múelekeo, vate mavu, vai mbesa wínasyo sya kúthi, vai kíndú! Neenea kúíkíía Ngai nginya úkethía tí úmanyi waku, ndúú kana úí. Vaa nívo músoa wa úmúnthí úúlíkííla. Ndúkaatate kwasya "nínívangíte kíla kíndú kikathela."

Ngai níwe wíthaa esí na akavanga kíla kíndú yíúlú wa thayú waku, múíífe namo, níwe wamasolile!

ÚNEENI WA WATHANI

Kuma úmúnthí, nanengane mívango yakwa yonthe, mesilya, na mawendi vyú kúla kwa Ngai. Ngaatííaa útongoi wake kwa kíla nzía íngonetye na kwa kúu, úvalúku úaweni mwakli ísyítwaní ya Yesú!



KÚSOMA MBEANGE

Savulí 37:3-5



**MÍTHENYA 365 YA KÚSOMA MBIV-
ILIA – MÚTHENYA WA 13**

Mwambílíílyo 27-28; Mathayo 8:18-34



Aevelania 8:5 [KJV]

ala mathũkúmaa ngelekan'yo na kyuu kya syĩndũ sya ĩtunĩ, o tondũ Mose wataiwe nĩ Ngai weyũmbanĩtye kwaka yĩla ĩeema: nũndũ easya, Sisy kana ũseũvye syĩndũ syontho o ta ngelekan'yo ĩla woonew'e kĩĩmanĩ.

Wasoma mbivilia, ve mĩvangilio yĩthaa nthĩnĩ wa ũtianĩo múkúú na ũtianĩo mweú. Aúme na aka anene ma múíkĩio maatĩíaa mútalatala na maikwata úsúngĩo. O ta [Aevelania 11:32-33] yasyaa "maũngamisye makanyw'a ma mĩnyambú" kwa múíkĩio ũtathingithĩka.

Maandiko ma úmúnthĩ metwonía kana Ngai athúkúmaa na mĩvango. Ethaa na mĩvango wa kúatĩia wa kwĩka maúndú. Ethĩwa múíkĩio níwaetae úsúngĩo ívinda ya mbivilia, ona úmúnthĩ now'o. Múkĩio ní útwi, mĩvango úla útakosaa úsúngĩo. Íla waatĩia múango wa múíkĩio úíkĩĩthĩtw'e ní asee ma tene ndetonĩ ya Ngai, maúndú methaa mamesya laisi.

Atĩia mĩvango múíkĩĩthye wa múíkĩio ; ambĩia kúũngamya múthenya mwaiũ oyũ. Wone, úíkĩie, na úiwĩka wĩaníe. Úsu níw'o mĩvangilio.

ÚNEENI WA WATHANI

Nĩaka nthĩ yakwa ñgĩ yĩthe yĩ kwaĩla vyũ mbee wa ũndũ yaaitha yĩilye. Kwa mũíkĩio, ndyĩsa kũkosa kindũ, ndyĩsa kwĩtha nĩ mũwau, na úthw'ii nĩ kianda kyakwa mwakanĩ ùũ wa mauta mate ma kawaida isyĩtwani ya Yesũ, Amen!



KÚSOMA MBEANGE
Alomi 15:14



**MÍTHENYA 365 YA KÚSOMA MBIV-
ILIA – MÚTHENYA WA 14**
Mwambĩlĩlyo 29-30; Mathayo 9:1-17



KUAUSYA NA KÍUMO

Mútavania 10:8 [KJV]

Ūla wīinza iima akavalūka nthīnī wayo; na o ūla wīwūthūa wako nzoka ikamūūma.

Miaka mingi, nithiitwe ndikulw'a nandu kana kiumo na uoi noikwate muklisto. Usungio wakwa withaa umwe. Ila wasyawa ingi, ukwataa maúathimo, ti kiumo. Vai muklisto usyaitwe ingi waile ukwatwa ni kiumo, usu ni undu utaile. Wekala ndetoní na uyikala uatíe myamúlo ya ngai, withaa wímúsiie vyú kuma kwa mívango ya múmaitha.

Kwa uu níki aklisto mathinaw'a ni kiumo? Músoa wa umunthi níw'o wina uvungúo. Kwíkala nza wa ndeto kúvingúiaa nzoka míomo. Methaa maomboa úkúta, na kúnenga nzoka mwanya wa kúlíka thayúni woo [Nthimo 26:2] yaasyaa,"kiumo kite kitumi kiikoka" Kwa uu, woona kiyúka, ve kitumi.

Ikala ndetoní mwaka uu. Mauta mate ma kawaida meitika vate kung'ang'ana ketha ndee ikekala syi vamwe.

ÚNEENI WA WATHANI

Ndeto yonthe nthúku kana kiumo íneenetwe yíulú wa n yumba yakwa nakwa ní ndilange isyítwaní ya Yesú! Nisakúa kwíkala ndetoní ya Ngai kuma umunthi. Úkúta wakwa ní múlumu! Aleluya



KÚSOMA MBEANGE
Nthimo 22:8



MÍTHENYA 365 YA KÚSOMA
MBIVILIA – MÚTHENYA WA 15
Mwambíliílyo 31-32; Mathayo 9:18-38

WAKATANO, MWAI WA
MBEE MATUKÚ 16

GoodNews
DAILY

KÍVÚÍONÍ

Mathayo 3:12 [KJV]

na kīlūkyā kyake kī kw'okonī kwake, nake akathesya vyū kīvūio kyake;
na akoomban'ya nganū yake ikūmbīnī, īndī wewa akavīvyā na mwaki ūta-
voeka

Yīla wesīla vandú va kúuw'a mīkate, ní vinya múnó kúlea kwíw'a múuke
úsu wa mīkate íla Yamina kúuwana íla yīitwe vau útheinī. Lakinī tūtánamba
úvika vau vethaa nzia íla yiatííawa. Kívúíoní, kúvathúkania nganú na
mathaa úséúvyē mútu waútúmíka.

Músoa witú wa úmúnthí wítútwa kívúíoní kya ú veva. Nthíní wa anga
sya ú veva, vaa nívo úthesyo wíkawa. Ní vala kútemwa kwíkíawa, kumya
únyanya múthúku, kútila úlevi, na kumya mesílya mathúku. Kívúíoní, nue
na Ngai, ní vandú va mavinda kúvínúwa, na kwílúmya na maúndú ma
úsumbí.

Yīi niyo ivinda yaku ya kúalyúka. Úilika kivúíoní kya Ngai, mauta mate ma
kawaida ma kwika maúnene nīmetíkite nthíní waku yu!

ÚNEENI WA WATHANI

Kívúíoní kīí , níneetíkílya veva wa Ngai aumye kíla kíndú kyonthe nthíní
wakwa kī múelekana na ndeto ya Ngai. Níumya mwamúlo kíla kyuu kya
kívindu kimbume yu ísyítwaní ya Yesú! Amení.



KÚSOMA MBEANGE

Tito 2:14



MÍTHENYA 365 YA KÚSOMA
MBIVILIA – MÚTHENYA WA 16

Lúka 1:39-56; Savulí 7-9

GoodNews
DAILY

ÚKÍLYA WASYA MÚNO UNEENE

Maliko 10:48 [KJV]

Na aingĩ mamũkan'ya, nĩ kana avindyē: ĩndĩ ookĩlya wasya mũno mũnene mbee, We mwana wa Ndaviti, mbĩw'ĩa tei

Nĩneenaa ndyasya "Aklisto mavindĩtye makusaa mavindĩtye" Ngewa ya mũndú úsu kílalinda yíleasya nesa kana andú ma kanisa úsu mamwíe avindyē, lĩndĩ ookĩlya wasya mũno mbeange.

Úmúnthĩ úú, twína aklisto onzu ala maekaa kúthi kanisa aí nũndú ve mũndú úmasiisye naí. Andú aingĩ nímekwenda syama, ateo anini nímeyumĩtye kúiatĩia nũndú níméukía úndú ala angĩ meúsúanía. Ona maysa kwasya "ameni" nũndú maikííaa níkúmaetee yúmbĩsya yingi.

Mũndú úsu kílalinda ndaaenda úmanyá úndú andú ala angĩ ma kanisa meísilya, masúanía make maí vala ve Yesú e weka. Oonie kyama kyake kina Yesú, na kwísíla kúkílya wasya wake, akwata úthasyo!

Úkílya wasya nzíaní yaku útonyi wí mwanya úmúnthĩ, mũndú we!

ÚNEENI WA WATHANI

Níúkílya wasya wakwa níane nthíní wa veva, níkwate úvosyo, inandú syakwa sya vengi syíthe na thayú múseo, mútwaano wakwa wíthe mwáilu, nítovoe vate kúneena ísyítwaní ya Yesú! Ameni.



KÚSOMA MBEANGE
Joshua 6:20



**MÍTHENYA 365 YA KÚSOMA MBIV-
ILIA – MÚTHENYA WA 17**
Gensis 33-35
Matthew 10:1-16



TÚNGA MÚVEA

Lúka 17:17-18 [KJV]

Na Yesú asũngĩa, asya, Ala mathew'a ti ìkũmi? Ala kenda maĩva? Kũti-
noneka angĩ meũsyoka kũtaĩa Ngai, ate o mũeni ũũ?

Íla twína mbúbano, yíthe yi kuluseti kana úthaithi wa kyumwa, saa syonthe twíthaa twetelee kyama kya mbee. Kyama kya mbee kíthaa kya kúvingúa múomo ila ingĩ siatíie. Noúseng'e múno úndú andú aingĩ methaa mayenda útethyo wa Ngai, ateo anini nímo masyokaa kumya úkúsi. Ve kesi kauta vala, ítina wa kúkwata syama kya kiwango kí yíúlú, andú maendaa vate kúsyoka makanenge Ngai útaío, matakoneka ingĩ. Úú ní úndú wí woo. Núona músoaní úú úndú Yesú wathíníkíe?

Ana-asa, kwítha útena múvea ní wonanio kana níwíyúkílítye yíúlú wa Ngai. Ní ngathíio vyú. Kwítha na múvea ní wínyivyo, na níwíkalaa úisisia ngathíio. Úmunthí, útw'íkíthye múvango waku kumya úkúsi yíúlú wa kila úndú w'on the Ngai úkwíkíte. Ona túngía andú múvea ala maútethetye kútw'íka úndú úilye.

ÚNEENI WA WATHANI

Niungama iimani mũthya kùkùsiia na kùneena na wasya mũnene nina útanu kwa Ngai nùndú wa thayù wakwa. Kùema kwítha na mũvea ti kianda kyakwa mwaka ùu wa mauta mate ma kawaida; nínaleana nakw'ò isyitwani ya Yesu, amen!



KÚSOMA MBEANGE
Savulí 145:7



MÍTHENYA 365 YA KÚSOMA
MBIVILIA – MÚTHENYA WA 18
Mwambílíilyo 36-38; Mathayo 10:17-42



EKA KWÍMAKÍA

Mathayo 6:34 [KJV]

Mũikemakíe ìndí ùndũ wa ùnĩ; nũndũ ùnĩ ũkeemakía e w'o. Mũthenya nĩwĩanĩwe nĩ ũthũku waw'o.

Aklisto angĩ mavĩndúaa kímako kíkale ta kite kímako, kúneena syĩndú ta, "ndiĩmakía, ngítĩte ítha ndemwĩanie.", Aya, onaetha kĩitwa ata, ní kímako. Nthĩnĩ wa [Luka 10:41], Yesú aisye "matha, matha, níwĩmakiĩte na kúthatw'a ní maũndú maingĩ.." Úilye ta Matha? Waambiĩe mwaka wĩna útanu mwingĩ mũno, nginya íla kímako kyaúkwatie, yíúlú wa kísomo, mbesa sya kúĩva nyũmba, mbílú, ndúú, na maũndú angĩ. Kímako kítethasya na kyaú?

Kímako kietawe ni kútúnga mesilya umonĩ úla úteu'o. Ketha Ngai, Asa, níwĩyoseaa nguma kúĩthya nyúnyi na kúvw'ika malaa, we wĩania vata ata kwake mbeange?

Kuma úmúnthĩ, amúa ndúkemakía múthenya úngĩ thayúnĩ waku. Sisya Ngai, umo waku wa syĩndú itathelaa. Úú ní mwaka mweú wa watho wĩ mwanya. Úkathúkúma Kwaku íla wíeka kwĩmakía.. Ekea Ngai maũndú onthe.

ÚNEENI WA WATHANI

Ndikanangaa saa syakwa ndyĩmakía nũndũ wa úndú w'on the, ti oyu, ti muthenya w'on the, ísyítwanĩ ya Yesú! Amenĩ.



KÚSOMA MBEANGE
Ísaia 41:10



MÍTHENYA 365 YA KÚSOMA
MBIVILIA – MÚTHENYA WA 19
Mwambílílyo 39-40; Mathayo 11

GoodNews
DAILY

MUMYE MÚTWENÍ WAKU

Ísaia 43:18 [NIV]

Mútikalilikane maúndũ mavĩtu, o na mútikasũanĩe maúndũ ma tene.

Úmwe wa múvango wa satni ní kúvanda mesilya mútwení waku. Eútavya úndũ úilye naí, úndũ útakatw'íka kíndũ, na aisyokeyelela íngí na íngí nginya wítíkile úvúngú wake.

Yíla weeie Awa kana no ekale ta Ngai aya mótunda, yíu yíyái yísilya ya Awa, yaumie kwa satani mweene.. Lilikana úndũ waisye ímwe, " ngambata kúvita útũlu wa mathweo; ngeetw'íkithya ta Ūla Wĩ Īlũ wa Onthe." Avandaa yísily yíu nthíní wa Awa!

Íkala wítúíie ndevili na nzía syake. Evanda mesilya ma wendí, kwíyúwaa, na ítomo nthíní waku, Na waema kwítúíia, wíisa íthía wíkie ta masúanío. Wamina kwíka oú, eika kyonthe kítonyeka akwíkalye vau. Ndúketíkile ekale kílíkoní kyaku mana, mumye kyongoní kyaku.

ÚNEENI WA WATHANI

Nivetanga kilya yisilya ituku yite ya Ngai kilikoni kyakwa. Kila muvango wa uvaluku wakwa uminitwe uyambiia, isyitwani ya Yesu! Ameni.



KÚSOMA MBEANGE
2 Akolinto 10:5



MÍTHENYA 365 YA KÚSOMA
MBIVILIA – MÚTHENYA WA 20
Mwambílílyo 41-42; Mathayo 12:1-21

GoodNews
DAILY

ÍSOMO KUMA KWA MÚNYWI

Meko ma atúme 2:4 [KJV]

Na onthe mausúwa ní Veva Mútheu, na mambílílya úneena na ithyomo ingĩ, o úndú Veva wamanengie úneeni.

Waaona múnywi aikúna maúndú make muthenya úmwe? No one mbumbu ya kiko na kwa útanu ailika vo ayona ta kítanda, kana aisukuma múndú wí kivilani kya ndía ayísilya núkúsemba.
Ona kútw'íka túyítikílaa únyw'í, ve ísomo twaíle úsoma vaa.

[Aeveso 5:18] yíasya, ...” Na múikatoonw'e ní mbinyu, nayo í mĩkwa mĩthũku, índĩ usúwai ní Veva.” Ve kítumi kya ndeto ya Ngai kúlinganĩthya. Múnywi ndónaa úndú ala angĩ monaa. Ndehaa ena útwi yíúlú wa meko make, mbinyu niyo yíthaa íituma eka úu. Ota úu, íla wausúwa ní veva, wíthaa ungu wa útonyi wake. Wíthaa wanengane útonyi wa thayú waku kwake, na ayambíia kúútongesya.

Kítumi kya syama ila mbandike mbiviliani ní kúuthuthya útúmie útonyi wa mauta mate ma kawaida ala me nthini waku. Vai úndú ona úmwe útatonya kwika. Úla múnene vyù e nthini waku, ikala thayù úsu wa kwaila ùmùnthi!

ÚNEENI WA WATHANI

Kwondú wa útonyi wa mauta mate ma kawaida nthini wakwa, níngúkùsìla mùno withie nùndù wí vinya kùelesya syama ísu syonthe. Wakwa ní thayù ùla mùseo, vai kindù kítiele!



KÚSOMA MBEANGE

Aeveso 3:19



**MÍTHENYA 365 YA KÚSOMA
MBIVILIA – MÚTHENYA WA 21**

Mwambílílyo 43-45; Mathayo 12:22-50



TAIA ASYAI MAKU

Aeveso 6:1-2 [KJV]

Syana, mew'ei ala mamūsyaye nthīnī wa Mwīaīi: nūndū ūu nīw'o waīle.
Taia au na mwenyu (naw'o nī mwīao wa mbee wī na watho

Ndeto ya Ngai yithaa ngelemu ila ikúnengane mwelekeo yíúlú wa únyanya woo wa syana na asyai. Níenda úsisye undú músoa wa mbee 1 na wa 2 siúneenea mithemba líl kívathúkanio ya asyai. Mísoa íí ndítúngílíle, índí, ve kíndú kya kwívundísya vo. Musoa wa mbee úneeneaa asyai maku ma veva ala Ngai úiíte íúlú waku, na músoa wa kelí úneeneete asyai maku ma mwíí.

Íla wavúthya asyai maku, ala ma veva na ala ma mwíí, thayú waku wambííaa úthúka.

Úthwii no úke, ateo úkethaa usíe mokíla na mavaluka, wasyo, kwítha útena úlúmu.

Kúmataía asyai maku ní mwīao wa Ngai úla úkííthasya thayúwa útanu! Mataíe úmúnthí!

ÚNEENI WA WATHANI

Kuma úmúnthí, nííkía vitii mbeange kúmew'a na kúmataía asyai makwa ma veva na ma mwíí. Íla meúmbathima na kúnzúvía, thayú wakwa wí nzianí íla yaile, na nísinda nthíní a kíla úndú ísyítwaní ya Yesu! Amení.



KÚSOMA MBEANGE
Nthimo 6:20



MÍTHENYA 365 YA KÚSOMA
MBIVILIA – MÚTHENYA WA 22
Mwambílílyo 46-48; Mathayo 13:1-30

GoodNews
DAILY

THAYÚ MWAÍLU NTHÍNÍ WAKWA

Yoana 21:25 [KJV]

Na kwí maúndú angĩ maingĩ ala Yesú wekie, nao makaandĩkwa, ũmwe na ũmwe, nĩasya nthĩ nima ndĩanĩa mavuku ala maandĩkwa.

Thayú wa Yesú úyaí wa kawaida úvanítwe ní syama nene, na maúndú matai maaoneka vu ítina. Kweesilye úyona múndú úkúithya andú ngili ítano na makúyú elí na míkate ítano yoka, kana akaseúvya yetho na mat ana múthanga. Ní mauta na útonyi wíwa waí nthíní wake? O úla wí nthíní waku yu.

Kítumi kya syama isu kúandĩkwa mbivilianí ní kúuthuthya utúmíe útonyi úsu thayúní waku. Vai úndú w'onthé útatonya kwíka. Úla múnene e nthíní waku, íkala thayú úsu wa kwaíla úmúnthí.

ÚNEENI WA WATHANI

Ngaumasya úkúsí mwingĩ ukethía ní úndú wí vinya kúkwatíanía na syama isu. Thayú wakwa níw'o múseo vyú, vai úngí! Útaío wíthe wa Ngai. Amení.



KÚSOMA MBEANGE

Yoana 20:30-31



**MÍTHENYA 365 YA KÚSOMA MBIV-
ILIA – MÚTHENYA WA 23**

Lúka 1:57-80; Savulí 10-12



KYUU KYAKWA KÍ VINYA

Meko ma atúme 5:15 [KJV]

o na kweethiwa maimaumaalya awau moo kumatwaa nzianĩ nene, na kumaia mokomonĩ na mĩkekanĩ, nĩ kana Vetelo aivĩta, nongo kyuu kyake kĩtonye kũkiita ũmwe wamo.

Nĩw'ite andu matena ũmanyi mayasya "syama nĩsyathelile, syaĩ sya ivinda ya mbivilia yĩ yoka." Kĩĩ kĩ vaasa mũno na ũw'o. [Aevelania 13:8] itwĩaa Ngai nũla ũmwe iyoo, ũmũnthĩ na ivinda yonthe! Ethĩwa nĩweekie ou mbivilianĩ, nũkwĩka ũu ũmũnthĩ.

Sisy muśoa wa ũmũnthĩ. Ndwiśa iħa na kĩtumi kyonthe kwa mũndũ ũtesĩ Ngai. Kwĩsilya kana kyuu no kivosye mũndũ? Na nĩtwonete syama sya ũko ũsu vaa kanisanĩ witũ vala andu mena mauwau ma mĩthemba yonthe mesĩlaa kyuumĩ kyakwa , na maũkũsĩ mayuka kwa wingĩ. Kĩu nĩ kyaũ? Nĩ mauta mena ũtonyi, na ũu nĩw'o mwaka wamo.

Mwaka ũũ, ona kyuu kyaku nĩkĩĩka maũnene! Nĩ ũndũ wĩ laisi, woombiwe ou!

ÚNEENI WA WATHANI

Vinya umaa nthĩnĩ wakwa. ĩla ngũkinya nza ũmũnthĩ , o kumĩla kwakwa ũu, kĩla kĩndũ kĩĩħa kyailũ ĩsyĩtwanĩ ya Yesũ! Amenĩ.



KÚSOMA MBEANGE

Lũka 8:43-48



**MÍTHENYA 365 YA KÚSOMA
MBIVILIA – MÚTHENYA WA 24**

Mwambĩlĩlyo 49-50; Mathayo 13:51-58

GoodNews
DAILY

ISIÍ SYONTHE ÚTEE

Lúka 1:37 [KJV]

Nĩkwĩthĩwa kwa Ngai vai úndú útatonyeka.

Nítwinaa músoa úú, túkaúsoma, túkaúmíthya tishatiní, ona kúseúvya mbango, na kwanakavya syíndú naw'o nyúmbaní sitú, ateo nítúúíkííaa?

Kindú kímwe kyanangíte ilíko sya aklisto ní kwíania nthí mavundíaw;a kana isií ní syíndú sya kawaida. Kuma míthenya yambee ya sukulu, syana syithaa siiítwe ikundi kívathúkany'o sya ala metawa "oi" na ala angí, na kuma vau, aingí meanaa mesí ní ndia na ti oi. Mauma vau maikwata wía na mayíaanw;a na mainewa isií sya kila matonya kwíka na kila matatonya.

Aklisto maetae mesilya aa kanisaní. Moka ana mesilya masoeie isií, na maithamíísyia isií isu kúla kwí Ngai. Monaa wí úndú wí vinya kwítíkila Ngai úla wíkaa syama aya úseny'o. Ngai nde isií. Eúvya mesilya maku úmúnthí na úimanya níwíkaa kila kindú.

ÚNEENI WA WATHANI

Vai úndú útatonyeka kwa Ngai. Mboya syakwa syonthe niúkwata úsúngío múthenyaní wa úmúnthí úú ísyítwaní ya Yesú! Amení.



KÚSOMA MBEANGE
Yelemia 32:17



MÍTHENYA 365 YA KÚSOMA
MBIVILIA – MÚTHENYA WA 25
Kuma 1-3; Mathayo 14:1-21

GoodNews
DAILY

TIŁA YÚKE KÍWANGONÍ

Úvuany'o 19:15 [WEB]

Kanyw'aní wake umaa úvyú múí útilaa kwíłí, úla enawo úkakúna nthí mb-ingí. Akamasumbíka nan data ya kyúma. Akakinyíaa kívúíoní kya mbinyu ya wai wa úthilíku wa Ngai, mweene vinya w'onthe.

Úsindi úwetawa mbee wa útanamba kwoneka. Kanywa waku níw'o muomo úla úvyu wísílaa. Kíngiliki múnuka wítawa "stoma," íla ímanísyaa múthya wa úvyú. Kanywa waku ní muio wa kaú, no útile nguthu. Mgai níwíkiíte ndeto syaku vinya mbee wa uvyú wa ndakitalí wa uthínzi.

Íla ùúvoya na kwathana, vingù metho maku ma veva ùtùmiíte masùanio maku matheu. Ona thína ùsu ùtilangítwe tùlungu. Íka ùthínzi nthini wa nyama isu ímeete ikùùthín'ya mwiini waku, mĩneenye na ùimitila isyitwani ya Yesù, Amen. Vài kùmakya nì nguthu yíanata yìungamite ùmotho naku, makoani ma mbesa, mowau, kùselewa, mùsukumo wa ndaimoni; tùmia ndeto íla syaile, syusiwe nì mùikiio ùtile kila mùmaitha eaniie! Neena kíatíanísyo mwaka ùu wa mauta mate ma kawaida, na ùyindeea kùtila nginya ùvinganísya ùthele.

ÚNEENI WA WATHANI

Nínalea kúsemba, kanywa wakwa níw'o múio wa kaú úla úlúngasya úlei. Ndeto syakwa, syusútwe ní veva, syíananga kíla mwako wa satani únthiúúkíte. Níneena, na isií ní ndilange vyú.



KÚSOMA MBEANGE

Aevelania 4:12



**MÍTHENYA 365 YA KÚSOMA
MBIVILIA – MÚTHENYA WA 26**

Kuma 4-6; Mathayo 14:22-36



UMANYI NA MÍLE

Isaiah 7:15 (NKJV)

Butter and honey shall he eat, that he may know to refuse the evil, and choose the good.

Waamanya malíu ala úisaa nímatumaa úkwata úmanyi? Isaia níwathanie líu úla Yesú úkaya. "mauta na úkí wa nzúkí," yaí kímányisyo kya úmanyi. "ní kana amanye [yada': úmanyi wa kwíka] aleé úthúku na aisakúa kwíka úseo. "Ndunia yaasyaa, útw'íkkaa kíla úisaa" kí-mbivíla úmanyaa kwíanana na úndú úendeeye na kúya. Kíi) a úisaa kíatíánisyo, maandíko, útao, úvoo, míkalíle, syúivasya kana íkatumania úí waku wa ú veva. Ona mwíiní, míle níyanakavasya útonyi. Vevaní, kúya ndeto ya Ngai níkúseúvasya kíliko kyaku úkethía kúlea úthúku na kúsakúa kwíka nesa yúkaa ímwe kwa ímwe.

Thúima kíla úúya. Usúsa múthenya waku na "mauta na úkí wa nzúkí" núndú wa veva, úthaithi, mawasya moí. Leana na syíndú íla siananga mesílya maku. Útanamba kúamúa "sama" útúmani úsu kwa kúúsoma, kúsúanía, na kumbúla ndeto. Eka malíu maku maseúvye míkalíle yaku na míle úmanyísye úmanyi.

ÚNEENI WA WATHANI

Níisaa ndeto, na kíliko kyakwa níkímányíthye. Nínísí kúlea úthúku na kúsakúa kwíka nesa. Kíla níisaa níkítíkílaníte na ítu; úsili wakwa ní múí, na míendele yakwa ní ndúngalu, ísyítwaní ya Yesú. Amení.



KÚSOMA MBEANGE

Aevelania 5:14



**MÍTHENYA 365 YA KÚSOMA
MBIVILIA – MÚTHENYA WA 27**

Kuma 7-8; Mathayo 15:1-20

GoodNews
DAILY

KWÍSÍÁ NA NZUKÚ

Nthimo 18:8 [MSG]

Kwíthukíísya nzukú nota kúya ngelemende ya laisi; úw'o nuenda kíkó ta kúu ívuní yaku?

Nzukú niminaa vinya! Ngai ndanengae múndú w'onthe mauta ma kúmina nzukú. Eaa kanisa mamyumye nza. Asukani nimathokoanasya úkííku, makanyaííkya masúanio, nak wananga kíla Ngai úkwaka.

Ndeto ní mío ya kaú. Maanyw'aní ma andú athúku, ndeto itw'íkka itau. Lea kwítha wí nzía ya kúnyaííkya ngelemende sya laisi. "Etha múndú akaendeeya kúkuíthya "ísiko," ti múnnyanya waku; makwetye kwosa matú maku.

Ùù niw'o waile nì kùsiia veva waku mwaka ùù wa mauta mate ma kawaida. Syoka ítina: athúkía andú ala maúkoseete kitúngílílo. Kwítha vakuvi nì kúmane mwanya. Víndúa mesilya: "Túmavoyee índí" Ethíwa ngewa ísu ndítonywa ní mboya, ndyaíle úneenwa. Lea: "Tínye múndú wa kúea ngewa íí nake" vinga múomo kwa úseo ateo kwa úlumu. Kúania: Usúsya kanywa waku na mboya, maandíko, na mosúngío. Aka kíla múmaitha úkútata kwananga.

ÚNEENI WA WATHANI

Níivathanya na nzukú na ala mainyaííkasya. Matú makwa ni mbingilo sya úw'o, kanywa wakwa níwakwaka, kúvosya, na kuathima. Nineena thayú, kúvindhya ngananí, na kúsúvía úúmwe wa nyúmna ya Ngai, ísyítwaní ya Yesú!



KÚSOMA MBEANGE

Alomi 16:17-18



**MÍTHENYA 365 YA KÚSOMA MBIV-
ILIA – MÚTHENYA WA 28**

Kuma 9-11; Mathayo 15:21-39

GoodNews
DAILY

USÚSYA MATHWEO MAKU

Mútavanya 11:3 [KJV]

Ethíwa mathweo nĩmausũitwe nĩ mbua, nĩmekwonosya manzĩ mamũ iũlũ wa nthĩ; na ethíwa mũtĩ nũũvalũka kwelekela ngalĩ ya ĩtheo, kana kwelekela ngalĩ ya iũlũ, vandũ, vala mũtĩ wĩvalũka, vu novo ũkethĩwa

Ta múklisto, noúvĩndũe kĩla kĩndũ na mboya, wanange mbingĩlo syonthe sya veva kwĩsĩla mboya, kúkwata makúmbĩ ma úimú, na kwĩtha na útonyi yĩlũlũ wa nthĩ kwĩsĩla mboya. Kwa ndeto isu uneenaa, wĩkaa íseso ya veva ya kususya mathweo na kyonthe úkwenda.

Ndíumakya úndũ úthwii wa nthĩ úlye, ethíwa mathweo maku nĩmausie mbua, vai úndũ úngĩ meka ateo kua úthwii Kwaku! Úú níw'o mwaka wa kúneena ndeto sya kúlasimĩthya úvĩndũku mwĩnĩ waku, wĩanĩ waku, mútwaanonĩ waku, ndua yaku, kana kyonthe kíúkonetye. Umya útw'io wa ndeto nzeveni na úisisya mathweo maku mayimba nim bua. Nginya ĩla ĩkambĩa kua, mwana-asa, mwĩtu-asa, ndúkaeke kúineena, endeea kúiweta, na úkoona ngetha mbingĩ.!

ÚNEENI WA WATHANI

Ndeto syakwa syĩ vinya. Ila ngúneena mwakani ùu wa mauta mate ma kawaida, syama, mosen'yo ikaatĩaniaa nakwa na nyumba yakwa na nthi yakwa. Uvandiliku wooka nũndũ wa mboya syakwa. Aleluya!



KÚSOMA MBEANGE
Isaía 45:8



**MÍTHENYA 365 YA KÚSOMA MBIV-
ILIA – MÚTHENYA WA 29**
Kuma 12-13; Mathayo 16

WAKATANO, MWAI WA
MBEE MATUKÚ 30

GoodNews
DAILY

ÚTONYI!

Lúka 9:1 [KJV]

Nake ameta ala íkúmi na elí, amanenga vinya na úkúmũ òlũlũ wa ndaimoni syonthe, na wa kúvosya mowau.

Kíla múklisto níwítítye vinya ta íkúlyo ya mboya ívindaní yímwe kana yíngí thayúní woo. Ateo waaíkúlya útonyi nthíní wa klisto w;o ní kyaú? Níngúúnenga úelesyo, utonyi ní únene wítoetye wa kúete úvínúku. Ní múthemba wa útonyi úla wíseúvasya w'o mweene, útonyi wonekaa na úsúngío útonya kwoneka.

Yesú atwíie níwatúne vinya na útonyi yíúlú wa maimú na kúvosya maúwau. Keka nútunya kúelewa kíí! Ethíwa níwísí na kúelewa viny awa Ngai wí nthíní waku kúete úvínúku maúndúní maku, ona ndwítha úthíníkíte úu. Útonyi úú , vinya wa kúalyúla thayú wí nthíní waku yu. Ethíwa núsyaítwe íngí, núukwatíkana Kwaku, íkíia tú, na úíúthúkúmíthya úmúnthí!

ÚNEENI WA WATHANI

Níneena yíúlú wa kíla úndú múkw'ú úngonettye úsyoke thayú! Úndú w'onthé úteúsonga, úthúkúme óyu, vinyaní úla nínaw'o ísyítwaní ya Yesú! Amení.



KÚSOMA MBEANGE

Yoana 14:12



MÍTHENYA 365 YA KÚSOMA
MBIVILIA – MÚTHENYA WA 30

Lúka 2:1-26; Savulí 13-15

GoodNews
DAILY

WÍ MAWÍTHYÚLÚLÚKO

Lúka 10:5 [KJV]

Na o nyũmba ãa mwĩlikaa, ambaai kwasya, Mũuo wĩthĩwe nyũmbanĩ ñno.

Kĩla kana ka Ngai kethaa ke wĩthyúlúlúko. Músoa wa úmúnthĩ núúkúsiĩa kíu. Ngai ndesa úkwĩa únyaĩkye múuo ketha ndwĩna útonyi wa kúvĩndúa mawĩthyúlúlúko. Wamina kúungama von a úineena múuo, ívinda ya múuo yĩyambĩia kúsumbĩka kwambĩia saa isu. Vala vaĩ na thĩna kana kímako, o kwa kúlika Kwaku vandú, úuu úisyoka.

Múuo ní vinya yíúlú wa maúndú mathúku kana syĩko. Kwa kwíkĩa útonyi úu wa íúlú ngoonĩ, uetae múuo katĩkatĩ wa itulumo nthúku. Íla andú makwona, na methĩtwe mesílĩte ívĩndanĩ yúmú, íla we yu, wĩthyúlúlúko, wavika, ve útanu wa mítúkĩ vandúnĩ vau. Wĩ mawĩthyúlúlúko nthini wa mwaka ùù wa mauta mate ma kawaida. Tùmia vinya waku wa yìlùlù vyù nginya mwiso.

ÚNEENI WA WATHANI

Níneena múuo nthinĩ wa kĩa vandú ngakinya úmúnthĩ, kwambĩia músyĩnĩ wakwa. Nyĩe ní mawĩthyúlúlúko, na kĩa vandú vonthe ngakinya, níetae úvoo múseo, Aleluya! Amenĩ.



KÚSOMA MBEANGE
2 Athesalonike 3:16



MÍTHENYA 365 YA KÚSOMA
MBIVILIA – MÚTHENYA WA 31
Kuma 14-15: Mathayo 17

GoodNews
DAILY

MUNENGANI WA KUSYAWA

2 Akolinto 9:8 [NLT]

Na Ngai nūtonya kwingi vya mumo w'onthe kwa inyw'i; nĩ kana inyw'i, mwĩanĩwe vyũ mavinda onthe maũndũnĩ onthe, mwingĩve kĩla wĩanĩ mũseo.

Naasyaa kĩla indĩ, etha ndumĩte mĩsyĩnĩ mũthwii, eka mĩsyĩ mũthwii ume Kwaku, lakini ikũlyo nĩ, ata? Maandĩko on the, kĩla kyothotheeaa úathimo múnene kuma kũla Ngai witũ múnene nĩ kumya! Ona kũtw'ĩka úndũ wĩoneka wĩ laisi, umya waku útumaa Ngai aete maúathimo maingi thayũnĩ waku, ndwĩsa umya kũvĩta Ngai.

Makosa ala aklisto mekaa nĩ kũkũanya umya na mboya, kũvunga, na úthaihi. Lilikana, wĩkũna útandĩthya na mĩsumbĩ wa asumbĩ, nan í mĩtalatala ya úsumbĩ nginya asumbĩ ma nthĩno kwĩka úseo maumnye kũvĩta kĩla mũndũ ũla wamanenga mũthĩnzio!

Ikĩia Ngai na mbesa syaku kwa kumya nthĩnĩ wa mwaka ùũ wa mauta mate ma kawaida, na ùyona Ngai aikũathima mbee wa masũanio maku.

ÚNEENI WA WATHANI

Kuma úmũnthĩ, ngeethaa mumya múnene! Ndikatĩa ĩla kũkumw'a. Kwa úu, thayũ wakwa úkaendeeaa kũathimwa ísyĩtwanĩ ya Yesú! Amenĩ.



KÚSOMA MBEANGE

Alomi 8:32



**MÍTHENYA 365 YA KÚSOMA
MBIVILIA – MÚTHENYA WA 32**

Kuma 16-18; Mathayo 18:1-20



Meko ma atúmwa 5:14 [NLT]

na etíkili aingĩ mongeleka ngalĩ ya Mwĩaiĩ, nguthu nene sya andũ, aũme na aka:

Úamúkyo ní wa kí-mweene. wendaa kwakanya mwai waku wa kínthini núndú wa Yesu. Ndwísa kúamúkw'a na úkekala thayú o úla. Mea maku kwa Ngai mongelekaa íla waamúkw'a, thayú waku wa ú veva wíthaa wathingílílwa, thayú waku wa kúsoma ndeto núkwambata, mboyanĩ syaku wíítha waetwe thayúní, na ndúkatia kútíia kúya kwa atongoi ma kanisa me oka.

Uamúkyo wendaa nzaa ítesa úthela maúndúní ma Ngai. Múio múamúkye wíthaa wí wa útúmíka ní Asa na núleaa kúi útee aí núndú wa kwíkala, ta íla imwana itatu sya kí-aevelania íla itaí siinamía sanamu ya Nevukatílesa. Nímekiw'e íikoní ya mwaki mwakanu, índí Ngai níwamasííe , na mauma matena maúúmísyé. Eka ùù wíthe now'o mùngamo waku wa mesílya mwaka ùù wa mauta mate ma kawaida.

ÚNEENI WA WATHANI

Nínítítwe ní Ngai, múthúkúmi, kwa úu ndyísa kwíw'a nthoni. Ngatavanasya ndeto ya Ngai vala vonthe nathi ndeútelema, vate wia, núndú úíkííku wakwa ní kwa músumbí wa asumbí! Aléluya!



KÚSOMA MBEANGE

Meko ma atúmwa 19:18



**MÍTHENYA 365 YA KÚSOMA
MBIVILIA – MÚTHENYA WA 33**

Kuma 19-21; Mathayo 18:21-35



WÍKALO WA WEÚNÍ

Mathayo 4:1 [KJV]

Nívo Yesú watongoew'e ní Veva weúní ní kana atatwe ní ndevili

Útianio mweú níumbúlaa wendi wa Asa yíúlú wa mathayú maitú. Yesú níwe ngelekanyo íla ngenúku ya kwíkala thayú kwa wendi wa Ngai. Indí níwatwaiwe weúní akatatwe ní satani.

Nowíthe kátí wa wendi wa Ngai na vailíyí oou úikomana na thayú wa weúní, Yesú, úla ní Ngai mwííní, yaí atatwe níkenda nyie naku túmanyé kwíkala thayú wa nthíno kwíthaa na mavinda ma maútato alas makwísílasya weúní. Weú ní vandú va maúmú, úvyúvu mwingi, na kwíkala wí weka, ateo ndúkaaisilye ta umíte wendíní wake aí núndú maúndú ní momú.

Nthini wa mwaka ùù wa mauta mate ma kawaida, kila kyanangaa ala angí kiikwananga núndú wí lainìní wa mùvango wa Ngai thayùní waku, isyitwaní ya Yesù.

ÚNEENI WA WATHANI

Ngauma ní músindi onetha ngesíla weúní úilyí ata. Ndikanangwa núndú níńísí ní wendíní wa Ngai! Aleluya!



KÚSOMA MBEANGE

Lúka 4:1



MÍTHENYA 365 YA KÚSOMA
MBIVILIA – MÚTHENYA WA 34

Kuma 22-24; Mathayo 19



NDÚKOLWE NÍ KÚTÍIA KÚYA

Mathayo 4:2 [ESV]

Amina kútíia kúya míthenya mfongo ína na matukú mfongo, níweewie nzaa

Andú ma mboya nene na míkalíle myáilu ní andú ma ndeto nini. Ala methaa me aneenu, mendaa moneke kana mew'ike na mayíthaa mboyaní. Íla ndeto ya wathani Yamina úneenwa thayúni waku, na kwíania kwayo úyona kúyíkala, múio úmwe wa kaú waile kúútúmía ní kútíia kúya.

Kútíia kúya kútethasya kúete úsyao wathaniní waku. Elewa kana kútíia kúya kúivíndúaa Ngai, ekalaa e úla mbee, ívindaní, na ítina wa kútíia kúya. Ateo, kútíia kúya ní kúvunzasya mwíi na kúyíúvíndúaa. Etha núenda úvíndúku wa úw'o wa nthíní, íkala wíyumítye kútíia kúya.

Íla ùùtíia kúya na ùivoya mwakaní ùù wa mauta mate ma kawaida, kila ndeto ya wathani yaneeniwe yíùlù wa thayù waku íkeania isyítwaní ya Yesù.

ÚNEENI WA WATHANI

Níngútíia kúya na ndivoya neteele wíaníu wa wathani wakwa. Nínísí kútíia kúya ní kúvunzasya mwíi wakwa na kúyíkalya na kúete veva wakwa úw'oní wa anga sya veva, isyítwaní ya Yesù. Amení.



KÚSOMA MBEANGE
Mathayo 17:21



MÍTHENYA 365 YA KÚSOMA
MBIVILIA – MÚTHENYA WA 35
Kuma 25-26; Mathayo 20:1-19



ENDEEA KÚNEENA ÍLA NDETO

Yoana 11:53 [NIV]

Kwa úu kwambíia sua úsu mavanga kúmumya thayú.

Kúelewa músoa úú, ní lasima úsisye úla wí vú mbee na úneenania. Atongoi ma ndíni ma ívinda yú mavíngaa Yesú núndú masiíaa myanya yoo. Mathínia mwíki wa syama níkana mekale na nguma syoo. Ndúkaseng'e woona andú ma ndíni meetha múelekana naku. Meekie oou kwa Asa. Kwa úu wona úyíkíka Kwaku, manya tí úndú múeni.

Kwíka syama na kúendee kúetae úlei. Wíaní waku, íla kwambatw'a ndeve kwí vakuví, úima waku, músyí, kana mbesa nítonya kúkomana na kaú. Múmaitha ndakesa kwítíkíla kuendee Kwaku, akítaa úkúkita.

Kwa úu íkala wívangite na úvyù wa veva ,íla nì ndeto ya Ngai. Endee na kúmineena, athana kana wímùathime, na vai ndeto ikaneenwa ùmotho naku íkaila nthini wa mwaka úù wa mauta mate ma kawaida.

ÚNEENI WA WATHANI

Nyie níkalíte na Klisto matuní. Ndyísa úvalúka, núndú Ngai akangwatííla na kw'oko kwake kúlúngalu ísyítwaní ya Yesú! Ataíwe Mwíaii! Amení.



KÚSOMA MBEANGE
Lúka 22:2



MÍTHENYA 365 YA KÚSOMA
MBIVILIA – MÚTHENYA WA 36
Kúma 27-29: Mathayo 20:20-34



ÍVUNDÍSYE KÚTAÍA

Kuma 20:12 [KJV]

Taíaa au na mwenyu, ní kana matukū maku maingĩve nthĩ íla Yeova Ngai waku ūkūnengae

Aingĩ masomaa músoa mayísilya o nthĩ íla Ngai únenganae, ateo ní vamwe na matukú ala únenganae.

Thayú múasa methaa makwaníte ímwe kwa ímwe na kútaía au na mwenyu [Aeveso 6:2] níyííkíthasya kii kwa kúúweta músoa úú.

Kútaía au na mwenyu kúvingúaa thayú múasa, kwongeleka, kúendee, múuo, úsúí wa Ngai. Ateo, aklisto aingi mekaa mavítyo kwísilya kana nundú yu nímasyaitwe íngí, kútaía asyai moo ma mwíi ti úndú wa maana, aí asyai ma veva nímo me kítumi. Yíi ní ivítyo ya mbúaní. Ní ketha útetheke ní watho úú, ní ngínya úmataíe asyai onthe ma mwíi na veva.

Tanía na úisúvía asyai maku íla wínamo. Ndúkaatate úmosa oou, mataíe na úimatúngíaa múvea kila ívinda.

ÚNEENI WA WATHANI

Ndikaaívata úathimo wa thayú múasa kwísíla kívúthya! Kúathimwa na múuo ní syakwa íla nataía asyai ma mwíi na ala ma veva ísyítwaní ya Yesú! Amení.



KÚSOMA MBEANGE
Aeveso 6:2



MÍTHENYA 365 YA KÚSOMA
MBIVILIA – MÚTHENYA WA 37
Lúka 2:27-52; Savulí 16-17

GoodNews
DAILY

VANDA N'THÍNÍ WAYO

Mwambiliílyo 27:7 [KJV]

Ndetee nyama sya nzyĩma, ũnzeũvĩsy e liũ mũseo, nĩye, na ngĩkũathimĩa mbee wa Yeova, ndanakw'a.

Andú aingi nímendaa mauta ma aa íthe ma veva kana ala mamaeaa. Ateo, no úseng'e kúmanya methaa mayenda kúkwata mauta ma kíwango kyu mana! Na kwa kítumi kíu, ní anini ala methaa na matokeo ma kwĩkalanthíní wa úthúkúmi woo núndú aingi nĩmatiaa mwíao wa nthembo. Ú íthe wa úw'o na únengani wa mauta wendaa nthembo

Wenda kwíana na kwíkala úla úkuíte mumo úla úkwenda, enda mbeange wa Kwenda, kwatana na múkui wa mumo kwísíla kúvanda mumoní úsu. Wenda kíla kindú thayúní mana, vate kúkíthúkúmíia kana kúkívandíia, ndúkesa kúkyosa ta kya maana. Kíu níkyo kítumi isaka weetisye nyama sya nzyĩmaatanamba kúnengane úathimo kwa mwana wake. Ní mwíao wa veva: kútaíia kwísíla nthembo kúvingúaa múomo wa kúnengane mauta. Kwata kii thayúní waku, na úkaketha maúseo.

ÚNEENI WA WATHANI

Ní mwosa wa mumo. Ínĩyumítye kúkwata mauta kwa kútanía íthe wakwa kwísíla kúvanda mbeú nthíní waw oni na múvango úla Ngai weekíie thayúní wake, isyítwaní ya Yesú. Amení.



KÚSOMA MBEANGE

Aevelania 11:20



**MÍTHENYA 365 YA KÚSOMA
MBIVILIA – MÚTHENYA WA 38**

Kuma 30-32; Mathayo 21:1-22

GoodNews
DAILY

KWÍTHÍWA KWA NGAI KÚLA KWÍKAA

Yoana 11:14-15 [KJV]

Nívo ìndí Yesú wamatavya vyū, Lasalo nĩ mūkhw'ū. Na nīngūtana kwondū wenyu nūndū ndinaĩ vo, nĩ kana mwītīkīle; ìndí tūthii vala ūĩ

Vatonyeka ata Yesú aketha e mútanu lasalo akw'a? Músoa úú umbúlaa kíla asomi ma maandíko makítaa músitúko nthíní wa úandíki, Asa, mweene thayú, nímútanú atavw'a kíkhw'ú kya múatíia wake mwendwa. Kítumi kyake kyai kī: kwíthíwa kwake kúla kwikaa kúyaĩ vau íla lasalo wakwie, lakiní kúlea kwíthíwa vau kwake kwaseúvisye mwanya wa múíkíio múnene.

Saa íngí, kúthínika kwakú ti yíúlú wa kúlea kúíkíia vinya wa Ngai, índí ní ketha núkwísa kwonania vinya wake vataní waku. Ní vaa kúútavya kana ona ítina wa kútata kíla úndú, kúmíísya kíla kaú, Yesú núlekilye útethyo waku, na ní úkíte. Kwíthíwa kwake kúla kwikaa níkúúkomana naku mwanyaní úla múnene vataní waku, na kíla úndú múkhw'ú thayúní waku núkúkíla íngí. Aleluya!

ÚNEENI WA WATHANI

Nina Ngai, na ndisindika! Nina Ngai, ndikiitika! Vai kindù kinziia kùendee nthini wa mwaka ùu wa mauta mate ma kawaida, Aleluya !



KÚSOMA MBEANGE

Alomi 8:28



**MÍTHENYA 365 YA KÚSOMA
MBIVILIA – MÚTHENYA WA 39**

Kuma 33-34; Mathayo 21:23-46

GoodNews
DAILY

KWONEKA KWAKE KÚNENE

Mathayo 24:35 [KJV]

Ītu na nthĩ nikavĩta, ĩndĩ ndeto syakwa itikavĩta

Ila ngúneena na kúesya yíulú wa kúvulw'a, ti kútavanya wanangíku kana kúete wia, lakíní kúneena kila Mbivilia íkwasya kíkwithíwa myúnthí ya múthya. Amwe mamysaa ta nzía ya kúkwata wíthukíísyá, ateo mai úw'oní. Angí masyaa, "Vai múndú wísí ívinda yu", na kíu kítuma úvoo úú wítha wa vata vyú yu.

Kúneena yíulú wa kúvulw'a ti úndú wa kanisa úndú úendaa kana kúvanda wia, ní wíto wa kwíyumbania úkomane na Múmbi waku. Kúvulw'a Kwaku no kwíthíwe ívinda yonthe, kwa úu itha wíyúmbanítye ívinda yonthe. Ikala kila múthenya úvíkítwe ní útheu wa Ngai.

Ndeto sya Yesù nì ndùmu, iithingithíka na nì sya tene na tene! Kila ùneenaa, nìwikaa. Kwa ùu, ikala wíyúmbanítye, ikala wívangite, na ùyìùngama yanyani yaku mwaka ùù wa mauta mate ma kawaida.

ÚNEENI WA WATHANI

Nínítaííe, kilíko kyakwa níkiyumítye, ngoo yakwa níyíyúmbanítye, na ngamina wía wakwa nína vinya ísyítwaní ĩnene ya Yesú! Amení.



KÚSOMA MBEANGE
Savulí 119:89



MÍTHENYA 365 YA KÚSOMA
MBIVILIA – MÚTHENYA WA 40
Kuma 35-37; Mathayo 22:1-22

GoodNews
DAILY

NGAI E ÍMWE NAKWA?

Aevelania 13:8 [KJV]

Yesú Klísto no úndú ùmwe ũoo na ùmũnthĩ, ĩĩ, o na kũvika tene na tene.

Etha ndwaaísa kwíkúlya kana Ngai e ímwe naku, ndúnamba úkomana na thína múnene. Nútony ítha nó uw'e úla wíyumítye vyú, múíkíiku, múí, na múlúngalu maúndúní mwa Ngai índí úyíw'a maúndú maku ta mekwanangíka. Na índí úyambíia kúsaaníw'a kana Ngai e ímwe naku na kana núkwene.

Waíle úmánya kana kwítha na Ngai thayúní waku na kúkwata wíthío wake úla úthúkúmaa ti úndú úmwe. Túthúkúmaa Ngai wa tene wíthaa na úmĩsyo, na íla wíthío wake úthúkúmaa wambíiaa kwoneka nthíní na kúkwithiúúka, thayú wakú úkoosa maana nzaú.Yíla Ngai walíkiliila thayú waku na vinya wake wambíia kwoneka, kyaw'o ùkakúsiia kana kweli Ngai enaku mwaka ùù wa mauta mate ma kawaida. (I only translated the last line)

ÚNEENI WA WATHANI

I know my God is not forgetful. I am on His radar, His priority, and tattooed on the palms of His hands. I am bound to make progress in the mighty Name of Jesus! Amen.



KÚSOMA MBEANGE
Malaki 3:6



MÍTHENYA 365 YA KÚSOMA
MBIVILIA – MÚTHENYA WA 41
Kuma 38-40; Mathayo 22:23-46



NÍ UMÍTE

Yelemia 1:12 [KJV]

Na ĩndĩ Yeova ambĩ, Nĩwoona nesa: nũndũ nĩsyaĩsya ndeto yakwa nĩmĩanĩsye.

Ngai ndaakoma, kwa úu ndethaa na íyoo, na ndakakoma, kwa úu ndethaa na úní, ekalaa úmúnthí wa tene na tene. Kwa úu, íla Ngai wasya, níngúkúathima, yímaanĩsya ekúathima oyu, tis saa ingí.

Masaa maingí, ní mesilya maitú makúiasya kyama, úyísilya ta kya úní, íla Ngai wíyúmbanĩye kwíka oyu. Vai kíndú kısıíia wendi wa Ngai kúkúathima, úvosyo, na kúkwongela. Mívango yake thayúní waku ndíketha ítena múungamo, íte kúeleeka, kana itena úíkííku. Ngai asyaa ndetoní yake mívango yake yíúlú waku ní nzeo ti nthúku. Múíkííe, mwose ndetoní yake, na úkatw'íka kila Ngai wasyaa útw'íke!

ÚNEENI WA WATHANI

Nína úw'o kana vai úlíku kana úasa kwímakía kana mathína, alaíka kana syíndú ikoka ikandaanĩsya na wendo wa Ngai. Nítembea nthíní wa úsindi úmúnthí na tene na tene, ísyítwaní ínene ya Yesú.



KÚSOMA MBEANGE

Isaía 55:11



**MÍTHENYA 365 YA KÚSOMA
MBIVILIA – MÚTHENYA WA 42**

Alivai 1-3: Mathayo 23:1-18

GoodNews
DAILY

TATÍTHYA ITHYOMO

Yoana 2:1 [KJV]

Na mũthenya wa katatũ kwaĩ mĩtwaano ndũanĩ yĩtawa Kena, nthĩ ya Kalilii; na inyia wa Yesũ aĩ vo:

We, Yesũ aĩ alũsinĩ, índĩ mbinyu nĩyathelile! Oou, nowĩtha no uw'e mĩndũ úla úsindĩte ikombe mbingi sya mĩndũ úla úendaa kanisa mũno kana úketha isyĩtwa ya "ngũmbaũ ya mboya," na índĩ kĩnandũ kyaku kya vengi kĩna thĩna wa kũuana nthĩnĩ. Kĩmbithĩ nĩ kũmanya undũ úuthũkũmĩthya wĩthĩo wa Ngai úla úthũkũmaa.

Nthĩnĩ wa anga sya veva, no wĩtĩkĩlye ívinda ya Ngai kwa kũneena na ithyomo. Íla úúvya, Veva Mũtheu aũnengae ndeto ila syĩkwendeka, syĩthe sya visa yaku ya kũthĩ nthĩ ingĩ, kũandĩkwa Kwaku, kũkita aoi ma mĩsyĩ wenyu, kana mbesa syaku. Ithyomo syĩkaa mboya ila syaĩle kũvĩta úmanyi waku wa kawaida.

Íkala ithyomonĩ na ùilũma ndetonĩ ya Ngai, na nũkwona vinya wake maũndũnĩ maku, ailekya syama itaũngamĩka nthĩnĩ wa mwaka ùũ wa mauta mate ma kawaida

ÚNEENI WA WATHANI

Nĩneena kĩthyomo kya ítunĩ! Nĩkwatana na Ngai kwĩsĩla ithyomo ila ithingithasya úsumbĩ wa kĩvindu. Nyie ndyũwaĩka, w'on the úkambũúsy a nĩwathela! Aleluya!



KÚSOMA MBEANGE

Lúka 2:51



MÍTHENYA 365 YA KÚSOMA
MBIVILIA – MÚTHENYA WA 43

Alivai 4-5; Mathayo 23:19-39



ELEWA ISALA

Yoeli 2:1 [KJV]

Vuviai soo Saioni, na vuviai soo wĩ wasya wa kũtĩsya kĩĩmanĩ kyakwa kĩtheu; onthe ala matwĩe ĩ nthĩ mateleme: nũndũ mũthenya wa Yeova nĩwũkĩte, nũndũ nũthengeee;

Saa ingĩ,ũndũ úte múseo níúkaa kílĩkonĩ kyaku. Íí ní mbee wa yísilya, nĩsala kuma anganĩ sya veva, úkanyo kana ve úndũ úkĩte kwíkĩka, isala sya kaú itumaa wíkala úte mwĩaníe vevaní.

Ila wona isala sya úko úsu, yĩonania veva waku wĩ kyeninĩ na níwísí kaú úla úkĩte, na níwaile ítha wíyũmbanĩye. Ndúkatate kúsyathúkĩa, kwata isala na úisúngĩa vau kwa vau na mboya, úlike kaúnĩ na ndeto ya Ngai. Ithiwa na kílĩko, nũndũ no wĩthĩwe na yutasi evithĩte kambinĩ yaku.

Nthini wa mwaka ùu wa mauta mate ma kawaida, ikala wíyũmbanĩye, elewa isala sya kaú, na ùyiũngama mwanyanĩ waku na ùsindi.

ÚNEENI WA WATHANI

Nĩ músikalí itaní sya Asa. Mítambo yakwa ya nzeve yĩkwatya isala sya kaú, na kwa mítukĩ ndilika nose atúa. Ndyisa kwĩthiwa ndeyũmbanĩye, ísyítwanĩ ínene ya Yesú! Ataíwe Mwĩaiĩ



KÚSOMA MBEANGE
2 Vetelo 3:10



MÍTHENYA 365 YA KÚSOMA
MBIVILIA – MÚTHENYA WA 44
Lúka 3:1-19; Savulĩ 18-19



ALÍNÍ YA KÚVULW'A

Mathayo 24:38 [KJV]

Nündũ o tondũ matukũnĩ asu ala maĩ mbee wa kĩla kĩw'ũ kingĩ, andũ meethĩwe makĩya na makĩnyw'a, makĩtwaana na makĩtwawa, kũvika mũthenya ũla Noa walikile ngalawanĩ,

Sisya nesa kĩla kíandíkĩtwe vu ítĩna wa maandĩko asu níkana ıla úũlĩka maandĩko asu nthínĩ, wĩthĩe nũkúelewa úndũ maendete. Ula waĩsaa na kũnywa núú? Aĩ noa? Ayiee, aĩ múkwatanu ayaka ngalawa. Kúya na kunywa syaĩ úkwatanu wa eki ma naĩ.

Ndetonĩ ya úmúnthĩ, úndũ úsu núendeeye"ngathĩio" nĩsíungye, syathĩ sya kũnywa, kwĩna, na mĩthemba yonthe ya kũlĩka mawendínĩ ma mwĩĩ. Ateo, múklisto ũla waw'o ethaa akwetye kúete andũ útangĩonĩ na kúka kwa Asa, Yesú klisto.

Nthĩnĩ wa mwaka ùù wa mauta mate ma kawaida, ndũkavĩngĩsĩke. Ìkala ùsĩĩtye Yesù, nündũ kũsyoka kwake kwĩ vakuvĩ mbee wa ùndũ ùkwĩsĩlya.

ÚNEENI WA WATHANI

Nĩna mwaki kwa úndũ wa Yesú ngĩnya kumĩla kwake kúnene. Nĩnĩyũmbanĩtye kúkomana nake mathweonĩ, ona oyu! Aleluya!



KÚSOMA MBEANGE

Alivai 6-7; Mathayo 24:1-31



MÍTHENYA 365 YA KÚSOMA

MBIVILIA – MÚTHENYA WA 45

Alivai 6-7; Mathayo 24:1-31



Mathayo 26:6 [KJV]

Na yíla Yesú wái Vethania, nyúmbaní ya Simoni úla úwaíte mangú,

Yesú ai nyúmbaní ya simoni wawaíte mangú. Sisya úvínigani úsu, múvosya, mwíki wa syama, mwambílílyla na múmina wa múíkíio witú ekalíte nyúmnani ya múndú weetaníaw'a na úwau wake. Maandíko mayonanasya vandú simoni wavoíw'e, no Yesú níwaiíte kwake e mwíanie. Keesilye wí mbee wa Múmbi mweene, na mweene nyúmba ekalile e múwau.

Ota úu, nowítthe wí múwau, wína mathína, kana kwíkala úikosa syíndú, wío mbee wa Ngai. Ateo, níkúíkííthya kana úyíendee na kúsoma úvoo úú múseo wa kíla múthenya úmúnthí, úvínigani úsu níwathela! Úú níw'o úsyokeanio wa mamutha ma mwíi waku netoní ya Ngai. Úmúnthí, úima waku, útandíthya, músyí, na mbesa syaku nísiútúngwa. Ndúíkala íngí mbee wa Ngai na úyíkala thayí wa úvíniganísw'a!

ÚNEENI WA WATHANI

Nyíe ndimúsinde! Ndimúvalúku! Níngúsinda onaetha vaili ata, núndú Ngai núnengegete úsindi vaasa na kíla maúnene na maúkúmú, ísyítwaní ínene ya Yesú. Ataíwe Mwíaií!



KÚSOMA MBEANGE

Maliko 14:3



**MÍTHENYA 365 YA KÚSOMA
MBIVILIA – MÚTHENYA WA 46**

Alivai 8-10; Mathayo 24:32-51

WAKWAMBÍÍLYA, MWAI
WA KELÍ MATUKÚ 16

GoodNews
DAILY

THAYÚ WAKU NÍMÚSÚVÍE

Nthimo 18:10 [KJV]

Syítwa ya Yeova ní mwako mütülu wa münnyoolo, Ûla mülüngalu akíāa vo, na nde na mūisyo.

Úsiíi nthíni wa Klisto ní watho kwa onthe ala maíkíāa ísyítwa yake. [Savulí 91:3] Yíasya “úw’o akaúvonokasya kíteini kya mútei, múimúni úla wúaaa.” Úsúvío waku wíthaa wa vata kwa Klisto, na úsúvío wake wíthaa múíkííthye kwa ala mamúíkíāa. Kwa úu ndúkakíe.

Alaíka me wíaní kúusunga. Ila úkúmaala úmúnthí, ndwí weka, wímútongoesye ní alaíka, úthiúúkítwe kíla ngalíko. Ngai ní úíkííthítye múthenya waku úendeeye nesa na ndeítíkíla útulw’e kana kúvalúka. Vai úthúku úka kúla úí úmúnthí. Kumaala Kwaku ní kúathime, na kúsyoka Kwaku ní kúathime, ísyítwaní ya Yesú.

ÚNEENI WA WATHANI

Nyie nímúathime ní Ngai! Lainí syakwa ivalúkíte kúndúni kwaílu. Íla ngútembea, ndevili ní mútelemu, ísyítwaní ínene ya Yesú! Nyie nímúathime ní Ngai! Lainí syakwa ivalúkíte kúndúni kwaílu. Íla ngútembea, ndevili ní mútelemu, ísyítwaní ínene ya Yesú!



KÚSOMA MBEANGE

Savulí 61:3



**MÍTHENYA 365 YA KÚSOMA
MBIVILIA – MÚTHENYA WA 47**

Alivai 11-12; Mathayo 25:1-30



NÍ KÚTÚNGÍLÍLWA

Mútavan'ya 1:9 [NIV]

Kíla kíkwo kíkethíwa íngí, Kíla kyeekiwe nokyo kíla kíkewa; vai úndú mweú ungu wa sua

Kíla kyonthe wonaa kíkíte útúngílílwa. Íla ngumya wathani yíúlú wa múvía, múvía wa ikavú, na maúndú angí, kúweta asindi na ala mekwasya, ní kwíthíwa níthaa nímonie anganí sya veva. Kíí kíkwonethya kana thayú úú úndú úwona na kúúmanya ní mbeange wa ú-mwíí, ní kútingílílwa kwa maúw'o ma veva mekwíania vaa nthí.

Kwa yetho ya wathani, níneena kúkílw'a útandíthyaní waku, mbesaní, na nyúmba yaku, na úvosyo mwíiní waku! Íí ti ndeto sya kawaida; sikuíte vinya. Úmúthí ní múthenya wa mwanya Kwaku, Thayu wakwa ní úkílítw'e. Kwíkika kwa syama thayùni waku kwíitha kwa kiatianisyo na iteúthela nthini wa mwaka úú wa mauta mate ma kawaida.

ÚNEENI WA WATHANI

Nyie ní múathime, na kúyísa úvínúwa. Ngekalaa wongelekuní na kyendi kíteúthela mwaka úú w'on the, ísyítwaní ya Yesú! Amení



KÚSOMA MBEANGE

Aevelania 13:8



**MÍTHENYA 365 YA KÚSOMA
MBIVILIA – MÚTHENYA WA 48**

Alivai 13-14; Mathayo 25:31-46

GoodNews
DAILY

YESÚ NÚSYOKETE ÍNGÍ – MÍTÚKÍ VYÚ!

1 Akolinto 15:22 [NLT]

Ikeethíwa kwa kavinda kanini, íveny'a na ísalukya, íla soo wa múminúkílyo wívuvwa....ala makwie makathayúúkw'a mekale tene na tene. Na ithyí ala twí thayú túkaalyúkw'a

Andú aingí, ona aklisto, matelemaa meew'a kúvulw'a kwawetwa kana kúsyoka kwa Klisto. Etha níwíyúmbanítye kúthi ítuní, vai kindú waíle kúkía, núsindíte! Níkwathanía kana ndúkavítya kúvulw'a! Ethíwa ndúnosa Kisto ta Mwíaií na mwovosya, mantha vala vaandíkítwe "we nómwosete Yesú" ívukuní yíí na úivoya mboya ya kúmwtíkíla oyú!

Ila soo wívuvwa kúweta kúka kwake, ívenya na ísalukya, úkavulw'a ukomane na Mwíaií mathweoní. Kwa úu, eka kwímakía na úyambíía kútana. Nthìni wa mwaka úu wa mauta mate ma kawaida, wiitha wimùtale nambani.

ÚNEENI WA WATHANI

Ní kyove kya ítuní na níníyúmbanítye kúvulw'a! Múmaitha ndesa úndavya úndú w'on the níko. Nína mesílya ma úsumbí na ndikatiwa ítina. Ataíwe Mwíaií! Amen.



KÚSOMA MBEANGE
Mathayo 24:31



**MÍTHENYA 365 YA KÚSOMA
MBIVILIA – MÚTHENYA WA 49**
Alivai 15-16; Mathayo 26:1-35

GoodNews
DAILY

ITHA WIMÚVOU

Mathayo 15:30 [NLT]

Na makomano manene mooka vala ũĩ, me na syonze, na ililinda, na ala mataneenaa, na ala au mamutha, na angĩ aingĩ, mamaia maũũĩ ma Yesú; na amavosya:

Ve syama nene mawetaa kana, túyaaona syíkwítwe kwa nzía ya úko úú íngi! Nthíní wa kúendanya kwakwa na Ngai, níngúsíie úvosyo útatalíka, índí nínzeng'aw'a ní mala ala nonete úkimwi úivow'a. Yithe ní miutanoní kana kanisani, úkimwi umaa vau kwa vauíla twatamúka úvosyo ísyítwaní ya Yesú.

Onetha ní úwau wíva kana thína wa mwíi, Yesú o úla úvoetye maúwau masaanítwe kítúngílíilo ní úetete úvosyo mwíiní waku oyú! Wose! Mavíndí maku, míkiva ya nthakame, na mamutha maku nímatúngítwe, Yesú úla úvoasya núkúkiita mwíi íla úendeeye na kúsoma úvoó úú múseo wa kíla múthenya na múíkíio. Itha tú na múíkíio, na úvosyo waku núkwoneka ísyítwaní ya Yesú!

ÚNEENI WA WATHANI

Ndikaathínanya na úwau kana wonzu. Mwíi wakwa wílea maúwau on the. Níkalaa uimani wa mwíi vyu, ísyítwaní ya Yesú! Amení!



KÚSOMA MBEANGE
Yoana 6:2



MÍTHENYA 365 YA KÚSOMA
MBIVILIA – MÚTHENYA WA 50
Alivai 17-19; Mathayo 26:36-75

GoodNews
DAILY

MAÚNDÚ ONTHE NÍ YESÚ

Yoana 14:14 [KJV]

Ethíwa mūkavoya ũndũ o na wīva syĩtwanĩ yakwa, ngawĩka

Nthíní wa kíwanza kyúsíe kúya copperbelt kísioní kí Zambia, kwí úmbano wa úvoo múseo mwai wa nyanya 2025, nínakúsíe viny awa Ngai wa syama úithúkúma. Ndyaatavanya na úumanyi wa mündúlakiní kwa nzía ya kwonanya vinya, úndú kúandíkítwe nthíní wa [1 Akolinto 2:4]. Makúmi ma makili kiwanzaní kúu na mamilioni kúthiúúka ndunía nímoonie Yesú e wíaní!

Úlema níwavoie, úkimwii waa, mbesa sya kyama syooka simúní nginya noti na mbesa sele sele. Syíndú iteúthúkúma, ta simú mbatúku ioo, syaseúvw'a kwa nzía ite sya kawaida vate kíndú kyonania kana sinái mbanangíku. Thína sya nthakame ta úkimwi mavoa íngí na íngí. Úu w'onthé útonywa no Yesú.

Ndakitalí itúmíaa ndawa sya kíw'ú, mbeke na singano kumya ndalili sya maúwau, lakíní ndeto ímwe kuma kwa Ngai yíetae syama vau kwa vau na maúsenyo, vate úndú múthúku úúka ítina. No Yesú.

ÚNEENI WA WATHANI

No Yesú e weka witha úndongoesye kwíka maúnene mwaka ùù wa mauta mate ma kawaida. Ndyisa Kúsiika kana kùtulw'a ngoo, nùndũ andongoeasya kuma ùnene kùthi ùnene! Aleluya!



KÚSOMA MBEANGE

1 Yoana 3:22



**MÍTHENYA 365 YA KÚSOMA
MBIVILIA – MÚTHENYA WA 51**

Lúka 3:20-38; Savulí 20-22



ITHA NA NZAA YA NGAI

Mwambilílyo 5:24 [KJV]

na Enoko aendanasya na Ngai: na ndaĩ vo; nũndũ Ngai nĩwamwosie.

Aklisto aingĩ mamanthaa vinya, nguma, na kúmanyíka, na nzaa yoo kwa syíndú sya Ngai ní nini. Ngomaníte na andú mekwenda viny awa Ngai úthúkúme nthíní woo ateo makosete nzaa ya kwítha na kinthíní na Ngai wa ítuní. Meenda syíndú syake lakíní ní athei wendoní wake.

Múndúúme kana múndúmúka wína nzaa ítathela ya Ngai aumíasya watho vinya na aivíndúa mwíso woo. Ní ívinda yaku yu kútw'íka múndú úsu, úmwe úla wakaníte na wendí útatwekúka na útathela núndú wake. Nthíní wa mwaka úú wa mauta mate ma kawaida, eka nzaa yaku yambate nginya kiwango kila Ngai útonya kúkùikiia na vinya wa kualyula maũndũ kùete kívathúkanio nthíní wa mùsyi waku, útandíthya , wiani, na mbesa vate kùng'ang'ana.

ÚNEENI WA WATHANI

Nzaa yakwa vala ve Ngai ndítwekúka! Úndú wendi wakwa kwake wongelekete, nímwíkíe viny ana níkinya na úkúmú nthíní wa úw'o wa veva. Thayú wakwa úkílíte na únene, ísyítwaní ya Yesú! Amení.



KÚSOMA MBEANGE

Lúka 24:51



**MÍTHENYA 365 YA KÚSOMA
MBIVILIA – MÚTHENYA WA 52**

Alivai 20-22; Mathayo 27:1-32

GoodNews
DAILY

KWÍYUMYA MBOYANÍ

1 Asumbí 18:42 [KJV]

Kwondū wa ūu Aavu ambata aye na kūnyw'a. Na Eliya ambata mūtumbīnī wa Kalimeli; na eekunamya nthī, na eekīa ūthyū wake katī wa mau make.

Mwathani Eliya avoyie ūthyū wake wí mauní. Mútwe wae, úla wína metho, matú, múnuka, manyúú, na kílíko, wainamíte wína únyivu w'on the. Mwanya úsu woonanisye kíla kíndú nthíní wake kyai kíkwatanu nthíní wa mboya, vate kútia mwanya wa kúthingithw'a.

Ni mwanyani wa kwitha winenganite vyu vala mwaki kuma kivilani kya usumbi kilikaa nthini wa kila uvinganisyo kwondu wa kuendee kwaku. Eka saa syaku mboyani syithe syi sya kwinengana, kwiyumya vyu kulingitwe na muikiio na wikwatyo, na usungio ukeania. Mboya sya muthemba usu ilasimithasya uw'o wa ituni na iisyaa syama. Iuvundisye kwika ūu wíyumítye, na thayū waku nùkwambata mwaka ūu wa mauta mate ma kawaida

ÚNEENI WA WATHANI

Nívoya na úsúngío! Mboya syakwa ithingithasya isio na kúlasimíthya maúndú kwítíkíla ndeto ya Ngai nthíní wakwa. Mboya syakwa syíthaa na úsúngío núndú níyumítye kútwaa múvango wa Ngai mbee. Amení.



KÚSOMA MBEANGE

Yakovo 5:17-18



**MÍTHENYA 365 YA KÚSOMA
MBIVILIA – MÚTHENYA WA 53**

Alivai 23-25; Mathayo 27:33-66

GoodNews
DAILY

ÍVINDA YA KWÍVATHA

1 Asumbí 19:9 [NLT]

Na avika vau ngunganí, na akoma vo; na, sisya, ndeto ya Yeova yamúkĩa, na amúkũlya, Wíika ata vaa, Eliya?

Ve saa na mavinda ma kwíkala na andú, kúkílya wasya, kwina, na kútana. Ve saa ingi sya vata maúndú ma thayú mendaa kwívatha. Ní ívindaní yu ya kwíkala wí weka íla Ngai wambííaa úneena naku.

Eliya, mwathaní wí nguma, aendie vaasa nae kala ngunganí, evathíte vyú kuma wingíní. O ívindaní yíu níw'o ndeto ya Ngai yamúkíie.

Wíkalíte mawíthyúlúlúkoní me kíneene kwa ívinda yíasa, kúlikana na íkomano úkomane na woo wa kwítúngílíla, mothatyo, kútulw'a ngoo. Ateo íla weeyumya na úkumbaú kwívatha na íkomano mwaka ùù wa mauta mate ma kawaida, Ngai nùkùkomana naku nùndù wa kùkwonia ùndù wa yìlùl wa kwailya thayù wakù vyù.

ÚNEENI WA WATHANI

Ndinenga too metho makwa nginya íla Ngai úkúneena ívindaní yakwa ya kwívatha. Nínísí Ngai núneenaa, na níníyumítye úmwíthukíísyá vyú, ísyítwaní ya Yesú! Ameni.



KÚSOMA MBEANGE
Savulí 46:10



MÍTHENYA 365 YA KÚSOMA
MBIVILIA – MÚTHENYA WA 54
Alivai 26-27; Mathayo 28



VALA NGOO YÍÍ

Yelemia 17:9 [NIV]

Ngoo nĩ ngengani kũvĩtũka syĩndũ syonthe, na nĩ nthũku ki: nũũ ũtonya kũmĩmanyà

Twĩkalaa nthĩ ĩla aingĩ mathĩnikaa kwendeesya, amwe maketha me atanu, makatheka, na makoneka mena mũyo, ateo ũw’o wa ĩ ngoo ũvyaa ata?

Nthĩnĩ wa ũmwe wa ũthaithi witú, atwaani amwe nĩmalikile mew’íte mũyo, makwatene moko, mayendeesya kĩla mũndũ . Kwa metho ma nyama, wendo woo woonekaa umíte itunĩ. indĩ ĩla wathani waendeeie, kwaumbũlilwe kana mĩtwaano woo waĩ vakuvĩ ũthela. Ũndũ wa ũsenyo, mũka aĩ anausũsya mathangũ matiane, na mũũme vai kĩndũ weesĩ. Kwĩtĩkĩlana na wathani kwake kwatelemĩlye mũũme mũno.

Ngai ndasilaa kwa kũsisya mũndũ wa nza ateo kwa kũsisya vala ngoo yĩungamite. Eka one kana ngoo yaku nĩ ntheu mwaka ùũ wa mauta mate ma kawaida.

ÚNEENI WA WATHANI

Ngoo yakwa nĩyitĩkĩlanĩte na ndeto ya Ngai. Veva wakwa wĩ ĩmwe na myamũlo yake. Kwa úu, ndonya kwambata kwĩ kw’oka, ĩsyĩtwanĩ ya Yesú! Aleluya!



KÚSOMA MBEANGE

Aevelania 4:12



**MÍTHENYA 365 YA KÚSOMA
MBIVILIA – MÚTHENYA WA 55**

Motalo 1-2; Maliko 1:1-22

GoodNews
DAILY

ONGELI MA LOKETI

1 Yoana 2:19 [KJV]

Nĩmeeyumisye kwitũ, ĩndĩ matyaĩ maitũ; nũndũ kethĩwa maĩ maitũ, methĩwa makĩkala vamwe naitũ: ĩndĩ nĩmeeyumisye, nĩ kana monanw'e atĩ asu onthe ti maitũ.

Ongeli ma loketi matetheeasya kwongela vinya úla úkwendeka yúkile, lakínĩ ĩla loketi Yamina úvika úasa muna, mailekanya, maimĩtia yĩendeeye na úthiúka.

Ota úu, andú amwe methaa maetetwe matembee naku kwa kíwango kina thayúni waku. Indĩ aklisto aingĩ nĩmaasya too maiseng'a níki andú amwe maamúie kúthi, ona ĩtina wa maúndú ala on the waameka. Úw'o ní andú amwe na syĩndú imwe iyisa kúthi naku kíwango kya yíulú.

Nĩ ívinda yaku ya kwosa akili ya múseúvya wa loketi. Ona kúthi kwoo kwĩ kwa maana ní kana úkĩlw'e. Nthini wa mwaka ùu wa mauta mate ma kawaida, valika, eka kithi kila kyonthe kitekala, na ùyambata!

ÚNEENI WA WATHANI

Nasyaítwe ní músindi! Ndyisa úsindwa, mevo na matevo. Níníyúmbanísye úsindi na níngwonany'a únene wa Ngai yu na mainda on the, ísyítwanĩ ínene ya Yesú!



KÚSOMA MBEANGE
2 Timotheo 4:10



MÍTHENYA 365 YA KÚSOMA
MBIVILIA – MÚTHENYA WA 56
Motalo 3-4; Maliko 1:23-45

GoodNews
DAILY

NÍWATHELA

Yoana 19:30 [KJV]

Na Yesũ avivita ũla siki, asya, Níwathela: na enamya mūtwe, na aumya veva wake

Ila Yesú waneenie na úkúmú asya "NÍWATHELA" kwa ala mamwíthiúúkíte na syúmbe syonthe, syai ndeto syeew'íkíe tene na tene. Naí syaku sya tene, sya yu, na syúkíte syaminaniwe nasyo vau ngelany'oní. Yesú ndakwetye nmgewa ya kúsyokea kúisya mavítyo maku, kwa úu ndúkeyambe!

Nthakame yake waí músaala múima wa naí syonthe sya andú. Kúmanya kana aívie ndívi íla yaailíte yaíle usúsya ngoo yaku na útanu na múuo, tí kwítha wí naíní na úkasílíwa. Ila Yesú waisye níwathela, yímaanisya úndú úsu núminaníte naw'o, ndwaíle úmaka íngí. Wí múekee, na mavítyo maku on the ní mavutiwe.

Tanía úthasyo waku úmúnthí na kútúnga múvea, núndú nthíní wa Yesú úw'o wímúthasye!

ÚNEENI WA WATHANI

Ní kyúmbe kyeú nthíní wa Klisto! Thayú wakwa yu úvithítwe nthíní wake. Ní úla Ngaí waítye ninyie.



KÚSOMA MBEANGE

Alomi 5:6



MÍTHENYA 365 YA KÚSOMA
MBIVILIA – MÚTHENYA WA 57

Motalo 5-6; Maliko 2:1-28



EKA KYENI KYAKU KÍKENE!

Lúka 8:16 [KJV]

Vai mündū ūkwatasya taa na akokunĩkĩlya kĩndū, kana kwia ungu wa ūkomo; ĩndĩ nũnũkwia vala vatũlu, nĩ kana ala meũvota mone kyeni.

Ūamúkyo ní kuma úthithunĩ wa veva, kwíkala vandú vamwe, na kúlika nthínĩ wa úw'o wa klisto. Maandíko measya vai mündú wakanasya ta ana ayíúvitha. Ila Yesú úkwítaa ta awa nthíno, ní kwasya núnyaíikasya kívindu, ndúkyendeeasya.

Kyeni kila úkuíte ní "phótízó, ta awa kíwanza wí kyeni kingí úw'íkaa metho ma múmaitha. Nĩ mwaki umíte kwa Veva Mútheu nthínĩ waku. Wítítwe kúete kyeni mawíthyúlúlúkonĩ maku. Kwa úu, ndúketíkile kívindu kísinde mútwaano waku, músyí, útandíthya, kana wía. Ûkila, tisa! Nũndũ kyeni kyaku níkyooka nthini wa mwaka ùu wa mauta mate ma kawaida!

ÚNEENI WA WATHANI

Níkenete ta ta awa kíwanza! Núkílíte ta kateke. Kívindu kíina vandú va kwívitha vala níí. Ngúite vinya wa Ngai na mwaki wa Veva Mútheu nthínĩ wakwa. Aleluya! Ameni.



KÚSOMA MBEANGE

2 Akolintho 4:6



**MÍTHENYA 365 YA KÚSOMA
MBIVILIA – MÚTHENYA WA 58**

Lúka 4:1-22; Savulí 23-25



USEO WI KÌTUMI WA KÙTAÌÀ

Aeveso 6:2 [KJV]

Taia au na mwenyu, naw'o ni mwiao wa mbee wina watho.

Ve úathimo wíthaa úkonanítye na kùtaía au na mwenyu, methe ma mwíi kana ma veva. Ní úndú wa vata úelewe kíí nesa. Kùtaía asyai maku, úkwataa thayú múasa, kíkw'ú kíivetangwa, úisúvíwa na mbanga, na úyíwa ndwí mavítyo úla kwí amaitha maku ala meútúmíwa kúúvetanga.

Útaío ti kathangú kaandíke ka veva, yonanaw'a ímwe kwa ímwe. Ndúketelee kúlilikanw'a kúmatúngía múvea na kúmataía asyai maku na ala makúeaa nthíní wa Mwíaií. Útaío ní mwíao wa veva úla úetae maúathimo ma Ngai. Ní mwíao úkaa na watho: ní kana míthenya yaku yongeleke vaa nduniani.

Nthini wa mwaka ùù wa mauta mate ma kawaida, íla ùendeeeye na kùtaía asyai ma mwíi na ma veva, thayù mùasa na ùsùvio wa yìlùlù nì syaku.

ÚNEENI WA WATHANI

Níngútaía asyai onthe ma mwíi n a veva kwa ndeto na meko. Níníyumítye kúkwatera maúseo ma kùtaía yu na mavinda oonthe! Aleluya! Amení.



KÚSOMA MBEANGE
Kuma 20:12



**MÍTHENYA 365 YA KÚSOMA MBIV-
ILIA – MÚTHENYA WA 59**
Motalo 7-8; Maliko 3:1-19

GoodNews
DAILY

VAITA ÚTONEKAA

Mathayo 7:24 [KJV]

Kíla mündũ ĩndĩ wíw'aa ndeto ii syakwa, naisyĩkaa, akavw'ananwa na mündũ mũĩ, ũla wakie nyũmba yake ĩvianĩ

Nthíní wa úmanthi, atandĩthya aingĩ nimesĩ maana ma "vaita útamanyĩkaa" , vaita wonekaa wímúandike lakinĩ ndúkwatíkanaa núndú múio úsu ndúnamba kúthoow'a. Kweesilye úyíúwa ilungu kwa \$1,000, na ítina iyambata ikavika \$1,500. Úsyao úsu wa \$500 níw'o vaita waku útonekaa na itw'íkaa úw'o wamina úthoosya ilungu.

Kwa aklisto, kúlea kútúmía maandíko, yímaanísya kwíkala thayú útena vaita, vate kúkwata maúseo ala Ngai úkúííte. Ndeto ĩtw'íka vaita wí íthangúní, yusíe watho wa Ngai na syíthaa íteúthúkúma. Mùsitali ítina wa mùsitali, mùsoa yìulù wa mùsoa, maandiko monanasya múvango wa Ngai wa kúendee Kwaku, na ona wathani wa mauta mate ma kawaida - vate atúa ùkwosa ndítethasya kwa nzia ona imwe. Thúkúmíthya maandíko, ndúkatw'íke wa kwíw'a, ìka.

ÚNEENI WA WATHANI

Úmúnthĩ nísakúa kwíthukíísya ndeto ya Ngai na kwosa ítambya kúmíka! Nívingúa kíla ndeto yíandíkítwe yíulù wa úkwati wakwa. Ndiíkala na vaita útonekaa, Nítaa kyonthe kíla Ngai úneenete yíulù wa thayú wakwa!



KÚSOMA MBEANGE

Yakovo 1:22



**MÍTHENYA 365 YA KÚSOMA
MBIVILIA – MÚTHENYA WA 60**

Motalo 9-10; Maliko 3:20-35

GoodNews
DAILY

METHO MA NGAI

Asili 6:15 [KJV]

Nake amwĩa, Ame Mwĩaiĩ, ngamatangĩe Isilaeli na kayũ? Sisya, mũvĩa witũ nĩw'o ngya nthĩnĩ wa Manase, nakwa ninyie mũnini mbee nyũmbanĩ ya nau

Maandikonĩ ma úmúnthĩ, Ngai eetie Ngiteonĩ ívindanĩ yĩla isilaeli yathínaw'a ní amitiani. Mwĩaiĩ asya, "Enda na vinya úú waku, na úkamovosya ísilaeli kuma mokonĩ ma amitiani..."

Kĩla kítumaa maandíko aa metha na vinya múnene ní úsúngío úla ngiteoni wanenganie. Vandú va kútembea na úkúmbaú wa úla Ngai wamwítie atw'ike, aneenie na wia, aisisya utonyi wake na metho ma múndú.

Aklisto aingĩ úmúnthĩ mekaa úu, kúnyivya útonyi wa Ngai thayúnĩ woo kwa kúvúthya nĩmo aaú nthínĩ wa Klisto. Mew'aa matatonya, me onzu, kana me anini. Ateo vayíthaa vata wa kúmanya onetha andú angĩ monaa nue múnini úvande wa kísomo, wíaní, kana mbainĩ; Etha Ngai núkwítie, núkúúne vinya. Núkwíanĩsya múvango wake kwa nzĩa ya yìlùlù mwaka ùù wa mauta mate ma kawaida.

ÚNEENI WA WATHANI

Úmúnthĩ, nísakúa kwíyona na metho ma Ngai. Nítembea na úkúmbaú kúthi kyumwa kíĩ kyeú nísí nínnyuvítwe ní Ngai!



KÚSOMA MBEANGE

Yelemia 1:5-8



**MÍTHENYA 365 YA KÚSOMA
MBIVILIA – MÚTHENYA WA 61**

Mótalo 11-13; Maliko 4:1-20

GoodNews
DAILY

KWÍKA TA NDIU

Avilivi 3:14 [KJV]

nĩngwĩthĩng'iĩsya kũthi nĩvikĩe ngoolu kwondũ wa mũthĩnzĩo ũla neetiwe
ĩũlũ nĩ Ngai nthĩnĩ wa Klĩsto Yesũ.

Nthĩnĩ wa kũsoma yĩlũlũ wa nyũnyi, ndiu syithaa syĩsĩkie ta ila syithaa
syĩsingatĩite mũno, syĩ mũvango, na syũmbe itavĩtasya nthĩnĩ wa úsumbĩ
wa nyamũ. Syĩna metho moĩ mala nyaanya kũte andũ, no mone nyama
maili syĩ vaasa, ona úasa wa vuti 23,000. Kúvĩta útonyi wasyo wa mwĩĩ,
ndiũ syithaa na akili kĩvathũkanyo mũno na nyamũ ila ingĩ siúlũkaa, siinoaa
kũmantha kĩla siúya. Iteútelema kana kũthingithw'a.

Ta kana ka Ngai, íka kĩla úndũ na úkúlĩ wa ndiũ. Ndúkanoe ní kwĩka
wendi wa Ngai, wĩna uĩ ta wa kawembe na mũvango. Onya metho maku
kwĩanĩsya mũvango wa Ngai na kũendeesya wĩa úsumbĩ wake, wĩkasĩte
úsaĩtye í úvano núndũ wa mũthĩnzĩo wa wĩto múnene wa Ngai nthĩnĩ wa
Klĩsto Yesũ.

ÚNEENI WA WATHANI

Ta ndiũ, númbĩtwe wa kwambata! Nĩna kĩla múio íla ngúwenda kwĩka
wendi wa Ngai thayúnĩ wakwa na úkúlĩ múnene na mũvango!



KÚSOMA MBEANGE
Akolosai 3:2



MÍTHENYA 365 YA KÚSOMA
MBIVILIA – MÚTHENYA WA 62
Motalo 14-15; Maliko 4:21-41

GoodNews
DAILY

NDISEMBA NA ÍTANGI ÍTHEI

Alomi 12:11 [NIV]

ũthangaaunĩ, mũte aleelu; mũvyũvĩte mavevanĩ menyũ; mũkĩmũthũkũ-
ma Mwĩaĩĩ

Aklisto aingi mekalaa thayú woo wa kawaida mateúkwa maúseo onthe
Klisto watúnengie kwísíla kíkú'ú kyake na kúthayúúka na útaío, núndú
mekalíte nthínĩ wa úvúngú yíúlú wa kúndeeaa kwa ú-veva. Maekaa kúatífa
kúsoma ndeto kwa úliku, mboya sya kíwango kya yíúlú, na kwínengane
kwa úndú wa úsumbí, mekalíte me eaníe.

Kweesilye útwaíte ngalĩ ítangi yĩ mauta kwota. Úw'o, ti vathúku ta yĩ
íthei, ateo yĩ vaasa na kwítha yusíe! Ta kana ka Ngai , ndúkaatate kwona
"kwítha wíkíte nesa kúvita tene" ta "kwítha vala Ngai úkúvangííte wíthe".
Ndúkatate kwíkala nthĩ wa kíwango kila Ngai úkúvangííte. Kúndeeaa
kwaw'o tí kwítha wí kavaa mbee wa vathúku índĩ ní kúsonga mbee
welekele múvango úla múseo vyú wa Klisto yíúlú waku.

ÚNEENI WA WATHANI

Ndĩitikila kwianiwa nĩ kavaa, niatĩia thayù úla múseo vyù Ngai ùmbangie
mwaka ùù wa mauta mate ma kawaida. Ndyisa itha nĩna ítangi íthei.
Nusiwe nĩ vinya wa Ngai!



KÚSOMA MBEANGE

Aeveso 3:19



**MÍTHENYA 365 YA KÚSOMA
MBIVILIA – MÚTHENYA WA 63**

Motalo 16-18; Maliko 5:1-21

GoodNews
DAILY

“VAI MÚNDÚ WÍTHAA MÚLÚNGALU”

Mathayo 5:48 [NIV]

Inyw’í indí íthíwai eanīu, tondū ĩthe wenyu wĩ ĩtuni nĩ mwĩanīu

Ve úvungú múmaitha útembeasya úlikite ngooní sya milioni sya andú: ní ndeto ya “vai múndú múlúngalu” Onakútw’íka yonekaa ta wínyivyo na úndú útonyeka, nívingaa úw’o úla úvuanítw’e ní maandíko. Weetíkíla wose mwanya wa mbee thayúní waku, matokeo make ní mathúku vyú.

Úw’o, múndú e mavítyo, ateo íla weetíkíla klisto, wosaa úndú úilyi na wítítwe wíkale na kíwango kyake kya ítu, tí míendele ya múndú wa kawaida. Ngai atúnengie Veva Mútheu na míthínzío ya Veva Mútheu nundú wa úlúngalya atheu, yímaanísya núe!

Yesú, ngelekanyo yitú íte mavítyo, onanansya kana úlúngalu ní kwíkala wendíní wa Ngai, kwíkalya thayúní waku utheuní wake. Úkilisto waw’o ní wianíu wa úw’o, amúa kwíkala úw’oní úsu nthíní wa mwaka úu wa mauta mate ma kawaida.

ÚNEENI WA WATHANI

Ngai nunengete thayú múlúngalu! Níkalaa kulingana na kíwango kyake kya ĩtuní. Nínalea na kíthío kya thayú úte múlúngalu wa nthíno úmúnthí; Nííkala nthíní wa wendí wake.



KÚSOMA MBEANGE

1 Yoana 4:17



**MÍTHENYA 365 YA KÚSOMA
MBIVILIA – MÚTHENYA WA 64**

Motalo 19-20; Maliko 5:22-43

GoodNews
DAILY

ÚNYANYA NA NGAI

Yakovo 4:8 [KJV]

Mũthengeei Ngai, nake akamũthengeea inyw'ĩ. Thambyai moko menyu, inyw'ĩ athe; na mũthesya ngoo syenyu, inyw'ĩ mwĩ na mĩtwe ĩĩ

Kíla kívathanasya aklisto na ndíni ila ingí ní atí ndíthaa ndíni ta kíthío úndú ila ingí siilyí. Ní únyanya na Ngai! Ngai atwendie múno vyú nginya asakúa kúka kwíkala naitú, oosa úkúno witú kwísíla ngelanyo, na atúthooa na kúthayúúka kwake kúnene. Ní ngai múuu na úkwendete kúvítúka úmanyi wa múndú na úkwenda wíkale thayú mwanake nthíní wa klisto.

Maandíko maumbúlaa kana úndú wekale vakuví na Ngai, Ethaa vakuví naku. Kwa kúlika ndetoní yake , wíthaa úyosa saa nzeo sya kwíkía vinya únyanya waku na ítu na kwa úu, úvivingúa mwanya wa maúathimo matatalíka na myanya ya maúndú.

O ta kíla únyanya, kúneena ní kwa vata. Mutavye wendi waku, mathína, kíla kíndú, núndú úw'o núkúsívaa.

ÚNEENI WA WATHANI

Nina únyanya na Ngai úla únzúvíaa! Undú níendeeye na kúmúthengeea kíla mũthenya, ní múalyúku na ngekiwa vinya kwíka wendi wake. Nítembea kwa vakuví na ítu na múuo ísyítwaní ya Yesú!



KÚSOMA MBEANGE
Savulí 145:18



MÍTHENYA 365 YA KÚSOMA
MBIVILIA – MÚTHENYA WA 65
Lúka 4:23-44; Savulí 26-28



WENDI NÍWONGELAA KÍTUMI

Akolosai 3:23 [NIV]

ũndũ mũkwĩka o na wĩwa, wĩkei kuma ngoonĩ, ta kũmũthũkũma Mwĩaiĩ, na ti andũ:

Ve ũndũ woosiwe naĩ kana wendi wa Ngai thayúní waku núvĩnganaa na mívango yaku na aí ní kana wĩke Kwenda kwake no nginya úkole maũndũ ala maku wendete. Ateo, kí kĩi vaasa na úw'o! maandĩko mavundĩasya Ngai níwe útumaa twenda na kwĩka ũndũ mívango wake múseo úilyĩ. Ila weetha wĩ wendinĩ wake, wendi waku ndwĩthaa wa kwĩyenda, wĩthaa na kítumi.

Kwa ngelekanyo, ketha wendi waku ní kuendeeya nthĩnĩ wa mĩio yam besa ya úiiti na Ngai aúnnengie wendi wa kútavanya ndeto yake, vaita úla úukwata útandĩthyanĩ noúnenge misheni mbesa, úkatetheesya úthúkúmi, na úiseúvya myanya ya kún्याĩkya ndeto ya Ngai. Vandũ va kwia mathina moo vala ve Yesũ nthinĩ wa mwaka mwathanie wa mauta mate ma kawaida, mekalaa namo. Ndwititwe kwĩthaa mũkwii wa úvoo mũthũku. Kila wailite kwika nĩ kũtembea nthinĩ wa mũuo mwianiu na úsindi úla Klisto úkũnengete.

ÚNEENI WA WATHANI

Ngai anengie wendi wa kwĩka wĩa múseo! Wĩthe wĩ wa úthúkúmi kana wa útandĩthya, úsindi wakwa nĩ lasima ta sua ũndũ yumaa kwakya!



KÚSOMA MBEANGE
Avilivi 2:13



MÍTHENYA 365 YA KÚSOMA
MBIVILIA – MÚTHENYA WA 66
Motalo 21-22; Maliko 6:1-31

GoodNews
DAILY

MÚKUI WA ÚVOO MÚTHÚKU

1 Vetelo 5:7 [ESV]

Mukimwia kwimakia kwenyu kw'onthe nundu niwe umusuviaa.

Uw'o wa ndto yaNgai wonekaa nundu wa uw'o wa maundu ma tene ula wikalite ivinda yiasa na kukonania na thayu wa umunthi. Ateo aklisto aingi methwaa na mesilya maingi muno kwondu wa thayu, ona itina wa maandiko kumaikiithya muuo ula tunengetwe ni Ngai. Muuo uu unenganitwe kwa kila kana ka Ngai kamina kwosa thayu wake na veva. Kii kiyonanasya mavityo ndetoni ya Ngai, indi ni kindu kiendeeye nthini wa kanisa wa umunthi.

Mamilioni ma aklisto mekalaa meanou kiliko na mate eanie, ti ai ni onzu, lakini makuite miiro matailite kukua. Vandu va kwia nathina moo vala ve Yesu, mekalaa namo. Ndwititwe kwitha mukui wa uvo o muthuku. Kila wailite kwika ni kutembea nthini wa muuo mulungalu na usindi ula Klisto ukunengete.

ÚNEENI WA WATHANI

Ndi mukui wa uvo o wa muthuku! Ti yiulu wakwa kukua uito wa maundu ala nguvitala. Nithaithaa Ngai ula useuvitye nzia` ya usindi nundu wakwa, na nitembea nthini wayo!



KÚSOMA MBEANGE

Avilivi 4:6



**MÍTHENYA 365 YA KÚSOMA
MBIVILIA – MÚTHENYA WA 67**

Motalo 23-25; Maliko 6:32-56



MBOYA YUMITE NGOONI

Maliko 11:24 [KJV]

Kwundu wa uu ningumwia, maundu on the o ala mukwitya muivoya, itikilai nimuumosa na mukeethiwa mwi namo

Uw'o wa mboya nduthimawa na kuneena nesa kana muyo wa ngewa. Kila kithaa kya vata kwa Ngai ni vala ngoo yaku yii. Muikiio umaa ngooni. Maandiko maasyaa, "mundu aikiiaa utangiio na ngoo." muikiio ni wonanyo wa nza wa witikili witu kwa ndeto ya Ngai. Utwikaa kwonekana kwa witikilo ngooni yaku.

Aklisto aingi mesilasya mboya syoo siamaa usungiwa nundu nimavititye uw'o uu. Ateo, elewa kana kuneena kwaku kwisila mboya ni mbee wa kutungiliila kila Ngai uneene yiulu waku; ni kuneena uyitikilana na muikiio waku kuendanya na ndeto ya Ngai. Mboya yumite ngooni yithaa na vinya wa kualyula thayu waku vyyu na kuingua useo wa Klisto kwaku. Osa vinya usu umunthi.

ÚNEENI WA WATHANI

Ila nguvoya, ngoo yakwa yithaa imwe na kila maandiko mekwasya yiulu wakwa! Kwisila mboya umite ngooni, ni mualyule na kwosa nzia nzeo ya usindi nthini wa thayu wakwa!



KÚSOMA MBEANGE
Alomi 10:10



MÍTHENYA 365 YA KÚSOMA
MBIVILIA – MÚTHENYA WA 68
Motalo 26-27; Maliko 7:1-23



KITHIMO KYA VEGA MUTHEU

Aeveso 5:18 [KJV]

Na muikatoonw'e ni mbinyu, nayo yi mikwa mithuku, indi usuwai ni Vega;

No useng'e muno kumanya kila andu mew'aa manyw'a mbinyu, ndawa sya kuola mesilya, na syindu ingi ta isu siendaa vandu vamwe mwiini vala Vega Mutheu ukwataa ila "umilitwe ni vega." Na muthenya wa vendekosto, ila Vega Mutheu wetiwe, andu ala masyaiisye nimavuthisye amanyiwa, maiweta syindu ta "andu ni amile", matekuelewa kana utanu usu na muyo woneka kwisila kwitha na uumwe na Vega Mutheu!

Ila wasuwa ni Vega, nota mwaki wa sitima uendete nthini wa mavindi, nthakame, ngooni, na mwiini, uisyukya na kwongela vinya kila imutha yaku! Ila wina Klisto, vai vata wa kwitha na mivango ingi; ndawa ya uko ungi ndina vata. Umya mawendi maku ma mwii na maundu ma kwananga, ia metho maku yiulu na uyusuwa ni Vega!

ÚNEENI WA WATHANI

Vega mutheu e nthini wakwa ta mwaki wa sitima usembete nthini wa mwii wakwa! Ila naumya mawendi makwa na namwitikila andongoesye, nimwikie vinya na niniyumitye kukomana na thina w'onthe!



KÚSOMA MBEANGE

Motalo 28-30; Maliko 7:24-37



MÍTHENYA 365 YA KÚSOMA

MBIVILIA – MÚTHENYA WA 69

Motalo 28-30; Maliko 7:24-37



GoodNews
DAILY

ATTIWA ONEKANU

Akalatia 4:1 [KJV]

Indi nineena ivinda ya mutiwa e kana, nde kivathukanyo na ngombo, o na kau ni mweene wa syindu syonthe.

Ivinda ya tene, asumbi anene na athwii anene maseuvisy e uthwii kwa nzyawa syoo, kuikiithya uthwii woo na utiwa nukuendee. Ala mena ukumu wa kutiwa ateo mainamba kutiwa meetitwe atiwa onekanu. Ve woo, aklisto aingi mekalaa thayu woo w'onthe vate kwosa utiwa woo w'onthe kwa Ngai. Niki? Nundu nimathinikaa kutia motanu ma nthi na kwinyivya kwa Ngai

Nthini wa maundu onthe ma tene, atiwa onekanu mai syana nini, nikyo kitumi mbivilia iwetaa ala ove ni motanu ma mwii ta syana! Ethiya wikwatana na motanu ma nthino, wiikala ta kana, ungu wa wendi wa Ngai yiulu waku. Kuima kwaw'o kwambiiaa ila witikilaa utiwa waku w'onthe nthini wa Klisto!

ÚNEENI WA WATHANI

Utiwa ula Klisto wanengie ni wa vata muno mbee wa uthwii kana nguma. Ngai ambiite nithe ni muathime! Ninalea nthi na noosa mwanya wakwa kati wa ala metuni. Thina ndwisi kwakwa, isyitwani inene ya Yesu!



KÚSOMA MBEANGE

Akalatia 4:3



**MÍTHENYA 365 YA KÚSOMA
MBIVILIA – MÚTHENYA WA 70**

Motalo 31-32; Maliko 8:1-21

GoodNews
DAILY

AVOYI MA SYINDU MAIKESA KWITHA ME ASAKUI

Uvuanyo 1:6 [KJV]

Na atutwie asumbi na athembi ma Ngai, ithe wake; ndaia na utonyi ni syake kuvika tene na tene. Amen.

Ngai atwie syana syake asumbi na athembi! Undu umwe wa vata wa kumanyiw'a kwaku ni kumanya mwiao uu wi laisi na wa vata muno: asumbi maivoyaa syindu! Noitha weew'ie ndeto ii "avoyi ma syindu mayisa itha asakui." Kwa uneeni ungi, weeyosa ta muvoyi wa syindu, saa syonthe wimakiite na kwitikila syindu nini, utwikaa ngombo ya mavinda na uinengane vinya wa kusakua matokeo maseo ma Ngai.

Ngai nukunengete utonyi wa kusinda mavinda na maundu onthe.

Mwaka ùù, sinda maùndù onthe ùtùmiite ùtonyi wa mauta mate ma kawaida Ta usyao wa Ngai, wititwe kwikua kwa nzia yonanasya ukumu, mumo, na wingi wa usumbi. Ona kuwika kwikala thayu wa ndunia nikwianiaa mundu wa mwiini, wito wa Ngai kwaku wi yiulu vaasa vya. Tembea ta Musumbi, ti muvoyi wa syindu!

ÚNEENI WA WATHANI

Ni WA USUMBI! Nthi na mivango yayo yonthe syi ungu wakwa. Ndyisa ukosa kana ngavaluka. Ndyaike kwisuva Ngai kuvindua maundu thayuni wakwa; Niwikie uu , usindi ni wakwa!



KÚSOMA MBEANGE
1 Vetelo 2:9



MÍTHENYA 365 YA KÚSOMA
MBIVILIA – MÚTHENYA WA 71
Motalo 33-34; Maliko 8:22-38

WAKATANO, MWAI WA
KATATU MATUKU 13

GoodNews
DAILY

UTHWII WA KIWANGO KINGI

2 Akolintho 8:9 [KJV]

Nundu nimuumanya mum wa Mwaiii waitu Yesu Klisto kana, ona kau ai muthwii, atw'ika ngya kwondu wenyu, ni kana inywi kwondu wa ukya wake mutonye kutw'ika athwii.

Vai mwanya wa ukya nthini wa uklisto! Ona kutw'ika kii nokyoneke ta ndeto ite nzeo kana yaw'o, maandiko nimekuikiithya na uw'o ukwoneka ki-mwii. Syana sya Ngai iyithaa undu wa mivango ya nthi ino. Kwanza, twithaa twititwe kuete usumbi witu wa itu wa kwikala twi athwii na mali yulu wa andu ma nthino.

No usakue thina kwa kuleana na kila kyonthe Klisto waunengie kwisila kikw'u kyake na kuthayuuka, kwikala ungu wa isyitwa ya Ngai, kana usakue kutembea uthwiini wa watho w'onthe weaniisye. Utiwa waku nthini wa Ngai ni thayu vala kukosa, mowau, na maundu mathuku maikaukwata, thayu wa "UTHWII WA KIWANGO KINGI"

Ùù nì mwaka wa mauta mate ma kawaida, vai mwanya wa ùkya nthini wa ùklisto!

ÚNEENI WA WATHANI

Ngaendeeaa kwa kila kyonthe ngekaa! Ninalea thayu wa ukya, kulea kwonania mithinzio ila Klisto wanengie. Uthwii wakwa na kuendeeaa iyisi mivaka. Myanya ya syindu na mauathimo ningumbithia mwaka uu!



KÚSOMA MBEANGE
Yoana 10:10



MÍTHENYA 365 YA KÚSOMA
MBIVILIA – MÚTHENYA WA 72
Luka 5:1-39; Savuli 29-31

GoodNews
DAILY

MUNYAIIKYA WA WENDO

1 Yoana 4:20 [NIV]

Ethiwa mundu easya, nyie ninimwendete Ngai, na emena mwanaa-ithe, na ni muneeni wa uvungu, mundu ula utamwenda mwanaa-ithe ula wona, ndatonya kwenda Ngai ula utaamwona.

Ti undu wa utanu undu andu aingi masyaa mendete Ngai na ngoo na thayu woo w'onthe? Indi wendo wikelaa uteikiithw'a etha ndukwonanw'a kwa ala matonya umona. Maandiko maneenete vyu, etha numenete mundu umwe, kwasya niwendete Ngai ni ukengani! Ni undu wi laisi kwasya niyiyumitye kwoondwa wa Klisto, lakini wendo waw'o wonekaa kwianana nondu uikala nala ang.

Aingi maseng'aa niki mataakwata mauathimo ma maandiko, mateumanya kana methoni ma Ngai, mayithaa meatale ta amwe ala mamwendete. Niki? Nundu wa kimena kila makuite ngooni syoo nundu wa mutui woo. Enda ona ala matendeka, ti undu nimailite, lakini nundu klisto akwendie mbee, ona ila wai vathuku vyu.

ÚNEENI WA WATHANI

Ni munyaiikya wa wendo! Wendo wakwa kwa ala ang ni uikiithyo wa Ngai nuu kula nii. Kimena, itomo na uu iikoneka nthini wakwa! Amen.



KÚSOMA MBEANGE

Alomi 5:8



**MÍTHENYA 365 YA KÚSOMA
MBIVILIA – MÚTHENYA WA 73**

Motalo 35-36; Maliko 9:1-32



MUVITAN'YA UNDU USIKATTWE

Naumu 1:3 [NIV]

Yeova ni mumiisya wa`kuthata, na munene utonyini, na ndakamutala o na ata muvitan'ya ta ute undu; Yeova e na nzia yake kilingini na kiuu-tanini, na mathweo ni kitoo kya nyaii syake

Umo wa muklisto waw'o ni kwitha na mituki ya kukeka, kwenda ona andu ala matailite nundu wa wendo ula woonaniw'e wa mbee kwitu kwisila Yesu Klisto ngelany'oni. Ona kutw'ika uu niw'o uw'o wa kila muklisto, aingi mosaa kukwatana na Ngai ta undu uvitite na kwitha matena usiii mbee wa kau wa mumaitha. Ateo kii kii vaasa na uw'o!

Musoa wa umunthi witwia kana Ngai ndakaeka ala makukitaa mathi mate akune. Ila waia miiyo yaku vala ve musili wa nthino, itikila ndakanengane usililo wiana mavityo ala mumaitha weekie yiulu waku. Uthaithaa Ngai wina utonyi munene. Ndukamakw'e ni kila mundu utonya ukw'ika, akaiva kila ivityo wikitwe!

ÚNEENI WA WATHANI

Kila mumaitha ùkùthùkùma ùvathùkanu nakwa nì mùvitan'ya ùndù ùsililwe! Kwa ùtonyi wa mauta mate ma kawaida nthini wakwa, kiko kyonthe kya ùthùku kivangitwe ùvathùkanu nakwa kikakwata ùkùno wa mwaki isyitwani ya Yesù! Nì mùsindi!



KÚSOMA MBEANGE

Kutungiliilwa kwa miao 32:4



MÍTHENYA 365 YA KÚSOMA MBIVILIA – MÚTHENYA WA 74

Kutungiliilwa kwa miao 1-3; Maliko 9:33-50

GoodNews
DAILY

WODI NTHEI SIVITALI

Isaia 53:5 (KJV)

Indi niwatonyiwe kwondu wa mavityo maitu, auauikw'a kwondu wa mothuku maitu, usililo undu wa muuo witu na wai iulu wake, naitu nitu-voetw'e kwondu wa makunwa make.

Ta mwana wa Ngai, uima wa mwii uteuwaa ni kianda kyaku kwisila uekeo ula Yesu waunengie na kuthayuuka kwake. Thayu wa mowau, na mawonzu, na kuthi sivitali ndwaaisa itha wi muvango wa Ngai. Lea kila muvango wa ndevili wa kuete mowau thayuni waku na wa nyumba yaku, Yesu niwaivie kwondu waku kwitha na uima wa mwii!

Ila wekala nthini wa uw'o uu, Ngai akwitaa with mukui na munyaiikya wa uvosyo usu kwa ala meuwenda. Ngai aunengele utonyi yiulu wa kila uwau. Ni wia waku kuvosya awau na kumaumya kivinduni moke kyenini kya utaio wa Ngai, nginya kila nyumba ya awau asitiie, sivitali na kula andu maseuviaw'a mikalile kwithe kwi kuthei!

ÚNEENI WA WATHANI

Ngai anengele thayu wa uima wa mwii utathela! Nunengele ukumu wa kunyaiikya vinya wa kuvosya kwa ala meuwenda! Mowau na mawonzu ni syindu ite sya kawaida nyumbani yakwa, syitwani ya Yesu!



KÚSOMA MBEANGE
Maliko 16:17-18



MÍTHENYA 365 YA KÚSOMA
MBIVILIA - MÚTHENYA WA 75

Kutungiliilwa kwa miao 4-6; Maliko 10:1-31



Avilivi 1:6 (KJV)

Ninisi vyu undu uu, kana we ula wambiiliye wia museo nthini wenyu ak-
awianisya kuvika muthenya wa Yesu Klisto.

Mutindo wa mwanyani wa nthi (GPS) utumiaa ithimo sya setilaiti kumanya
vala ui na kukwony'a vala uendete. Imwe ya ilungu syayo sya vata utonyi
wa kuuvinduia nzia. Onaetha uvindukite mala meana mathuku, saa
syonthe nikuvinduaa ikakwonya vala uendete.

Kwa muklisto, Ngai athukumaa uu. Onetha wikite mavityo kana mainduka
mathuku meanata, athukumaa saa syonthe kuutunga nziani ila yelekele
kila Yesu wakwitie utwike. Ndukata kwiwetanisya na thayu waku wa
tene. Ngai ndakwete uu wa mavityo maku; eyumitye kuutungia na
kukwony'a nzia ila yaile kila itambya kyaloni kyaku.

ÚNEENI WA WATHANI

Usindi ni muikiithye ila naatiia nzia ila Klisto umbiite. Onetha neekite ata
vu itina, nina uw'o kana wia ula museo Klisto wambiisye nthini wakwa,
nukuutwaa nginya awianisye isyitwani inene ya Yesu!



KÚSOMA MBEANGE
Yelemia 29:1



MÍTHENYA 365 YA KÚSOMA
MBIVILIA – MÚTHENYA WA 76
Kutungiliilwa kwa miao 7-9; Maliko 10:32-52

GoodNews
DAILY

ITHO YA ITULUMO

Uvuany'o 3:15-16 (KJV)

Ninisi mawia maku, kana ndwi muthithu o na ndwi muvyu. Na indi nikwithiwa wi kamulutila, ona ndwi muvyu na ndwi muthithu, ngautw'ila wume kanyw'ani wakwa

Nthini wa usomi wa nzeve na mawithyululuko, itulumo ta ukungi syukaa ila nzeve mbyu na nthithu syakongana, iituma kutetha uuu nzeveni. Kii kietae iseve nthuku, mbua mbingi, na kiseve kingi muno kiete wanangiko. Indi kati wasyo syonthe ve itho ya itulumo, uuu wa wa uvungu uthiukitwe ni kwanangika kwingi.

Ota uu, kwitha wi nuvyu na muthithu maunduni ma Ngai kuseuvasya ithokoo sya ki-veva na kwitha kute muuo. Kwikala thayu wa nusu nthini, nusu nza nowone ta vate thina katikati, lakini yietae wanangiko kwa muuo waku, muvango, na unyanya waku na Ngai. Sakua umunthi kuia mesilya maku kula ui. Mwaka uù mweù wa mauta mate ma kawaida, ia mesilya maku onthe kùla uù. Ìtha usiwe ni mwaki wa Ngai, na ùkoona syama ite motalo iikùsiika thayùni waku!

ÚNEENI WA WATHANI

Ninalea kwikala thayu wa kamulutila! Niyumitye kwaka thayu ula Klisto unengete. Nekale kwondu wa Ngai, nileana na itulumo sya mwaa muthuku na wanangiko nthini wa thayu wakwa. Amen.



KÚSOMA MBEANGE

Yakovo 1:8



**MÍTHENYA 365 YA KÚSOMA MBIV-
ILIA – MÚTHENYA WA 77**

Deuteronomy 10-12

Mark 11



NDETO KATI WA NYAMU SYA KITHEKANI

Maliko 1:13 [NIV]

Na ai ku weuni matuku miongo ina akitatwa ni satani, na ai vamwe na nyamu sya kithekani, na alaika nimamuthukumaa.

Uvatho ukaa mbee wa uvuan'yo! Kwambiia mwambiliilo nginya uvuany'o, kwivatha ni kwa vata nundu wa kuvetanga isiii kana kuvuavuana. Kalivu kila mundu munene mbiviliani niwekalile e weka ainewa miao ya Ngai mbee wa kulika wonany'oni wa wito woo. Paulo ekalile myaka itatu nathi ya Alavu, Mwose ekalile weuni myaka miongo ina, na Yesu mithenya miongo ina weuni. Ti undu weekikaa oou, wai miuo wa vata kuvundisya matu moo kwiw'a ndeto ya Ngai.

Kwitha wimuvathe ni kuvindithya kineene, ona itha kikwithiukite, na uyia mesilya maku ve kila Ngai ukwenda kwikia vevani waku. Ivindani ya kwivatha kwake, Yesu niwakomanie na isiii, kuma kau wa ndaimoni nginya nyamu sya kithekani, indi ekala ateuvingiisika. Vau nivo, nthini wa usindani mwingi wa mwii na veva, vala alaika mamuthukumaa. Sakua kwivatha nthini wa mwaka uu wa mauta mate ma kawaida.

ÚNEENI WA WATHANI

Ila noosa saa sya kwithukiisya Ngai, ona katikati wa nyamu sya kithekani na uvingani, nimwikie vinya na kuthukumwa



KÚSOMA MBEANGE
Mathayo 6:6



MÍTHENYA 365 YA KÚSOMA
MBIVILIA – MÚTHENYA WA 78

Kutungiliilwa kwa miao 13-15; Maliko 12:1-27



MWATU WA NZUKI

Nthimo 13:20 [KJV]

Ula uendanasya na andu oi, akeetha e mui, indi ula utindanasya na ndia akathina

Usindi wa nzuki na mwikalile wayo utegemeaa kitindo kila itindaa. Mwatuni, kila nzuki yithaa na wia wayo, athukumi mombanasya muloo, atetheesya makasuvia syana, na asikali maisunga, na musumbi mundu muka ailekya matumbi kukwatiia ukoloni. Umwe avaluka, usalama na ulumu wa mwatu withaa wi muisyoni. Ota uu, ta syana sya Ngai, nituvuthasya kila kitonya kwithiwa ila twathiuukwa ni andu ala athuku.

Isilye kuendanya kwaku na Klisto ta mwatu wa veva useuvitwe ni andu maitwe kuutwaa kwelekela witoni waku. Kwitikila kitindo kithuku kyaile kwnanga kwiana kwaku utesi na kutunga thayu waku itina. Maandiko metukany'a kana kitndo kya ndia kitongoeasya wanangiko. Sakua nesa, kwikalanya na an.u ala mwina iliko ivw'anene ala mena vitii wa kutwaa usumbi wa Ngai mbee. Thayu waku ni wa vata muno kuwikia muisyoni na itindo itatethya.

ÚNEENI WA WATHANI

Nitembeete na uii! Nitaanisya na kitindo kyonthe kya utumanu. Unyanya wakwa wonanasya kiwango kya ituni. Niikala na andu ma Ngai ala meyumitye na masukumitwe, takwa!



KÚSOMA MBEANGE

1 Akolinto 15:33



**MÍTHENYA 365 YA KÚSOMA
MBIVILIA – MÚTHENYA WA 79**

Luka 6:1-24; Savuli 32-34



MOMANYISYO MA ANDU

Maliko 7:13 [KJV]

Nimukwananga ndeto ya Ngai kwondu wa mokuu menyu, ala mutianiaa: na maundu maingi ta asu nimwikaa.

Mamilioni ma aklisto mathinaa nundu mosaa ndeto kana kithio kya andu na maiitw'ikithya umanyisyo. Maandiko metwony'a kana kimwe kya syindu nini ila itumaa ndeto ya Ngai itathukuma ni kukilya kithio kya andu yiulu wa ndeto ya Ngai. Mwii ula utumiaa vaa nthino no isyulyo, uuw'o waku ni veva waku. Kii kimaniisya kithio kya nthi yaku, misyi, na nyumba syi ungu wa utonyi munene wa ndeto ya Ngai.

Etha kithio kya nthi kikathiiaa ukya, uu, mesilya maingi, kana kiliko kyonthe ki umotho na kiwango kya Ngai, ilee vyu. Syindu sya muthemba usu syithaa iyenda ukuyia mauathimo na uw'o wa veva uvuanitw'e ni maandiko. Ila waminie umwosa Klisto, wasyaiwe ingi nthini wa kithio kya unene na usumbi yiulu wa maundu ma nthi na ma veva. Tembea nthini wa unene usu!

ÚNEENI WA WATHANI

Ninalea syithio sya nthino! Kila muikiio kana kithio kitaumite maandikoni kiina mwanya vala nii. Ndeto ya Ngai niyo utonyi wa mwiso thayuni wakwa; nthi uimani waw'o umunthi!



KÚSOMA MBEANGE
Akolosai 2:8



MÍTHENYA 365 YA KÚSOMA
MBIVILIA – MÚTHENYA WA 80
Kutungiliilwa kwa miao 16-18; Maliko
12:28-44



Isaia 60:22 [NLT]

Nyumba ila nini ikatw'ika andu ngili, na nguthu ila nini ikatw'ika nthi yi vinya. Ivinda yaw'o nyie Yeova, ngatuma undu usu withiwa.

Ve ndeto syaasyaa "kulinganithya nikw'o king'ei kya utanu." Musitali uu wonanasya uw'o wa maandiko. Aklisto aingi mevataa muuo nundu wa kulinganithya mavinda mavitite ma kukosa mbesa, thina wa mutwaano, kana maumu wa kavinda na ma andu angi. Maandiko metuikiithya kana avangite na eenda kutunenga thayu ula museo vyu. Ta musyai mui na wisi kila kindu, Niwisi saa ila iseo, nzia, na ivinda ya kuunenga mauathimo asu.

Maumu mayiumaanisya Ngai nukutiite, kana mithenya miseo ndi mbee. Ndukaise kwianan'ya thayu waku na uvaluku. Angi nomoneke me mbee vaasa vyu, ateo kusema ukilanyoni ti kwa ala me mituki. Ngai ena muvango museo vyu kwondu waku, usiwe ni mauathimo maikiithye!

ÚNEENI WA WATHANI

Ndikùlinganithya thayù wakwa na mathayù ma andù angì! Ninìsì Ngai ena mùvango wa mwanya na mùseo yìùlù wakwa. Ndikesa kùlikwa nì aivù kana kùteeva mwaka ùù wa mauta mate ma kawaida, nithaithaa Ngai ùla ùtumaa maùndù MEKÌKA!



KÚSOMA MBEANGE
Mutavan'ya 9:11



**MÍTHENYA 365 YA KÚSOMA
MBIVILIA – MÚTHENYA WA 81**
Kutungiliilwa kwa miao 19-21; Maliko
13:1-20

GoodNews
DAILY

KUMEW'IA KIWIU ALA MATAKIAA NGAI

Savuli 37:1-2 [NIV]

Ndukenyamasye nundu wa ala mekaa nai, O na ndukamew'ie kiwiu ala mekaa maundu mate malungalu. Nikwithiwa mituki makatilwa ta nyeki, na makooma ta nyunyi ila nziu sya muundani.

.Aingi mekalaa ungu wa uvungu wa kanisa yithaa itina wa nthi kwa kwikalan'ya nandu, ona kutuma mambiia kwenda ala mekalite syeoni nene usumbini wa kivindu. Ateo, maandiko measya mundu no ethe na nguma na uthwii mwingi, lakini wamina umanya nue uu na wi wau, kilasi kya kila mundu kithelaa vyu kwa kwilinganithya.

Ila wendeew'a ni ala matakiaa Ngai, withaa weevingua kula kwi nguma syoo na kwa nzia isu, uyivingua kwa satani, o mbola ulikwa ni mawathavu ma nthino mbee wa ulungalu. Nthini wa Klisto, wina uthwii munene vyu, na ukumu yiulu wa mundu w'on the ukonanitw'e na kivindu. Ti ati umbanitw'e vanini; wimumbanyie na ukanewa vinya wa kusinda kila thina mumaitha ukuete.

ÚNEENI WA WATHANI

Ninalea kwiw'ia kiw'iu mikalile ya ala matakiaa Ngai! Ndikesa kuatia musukumo wa mumaitha. Onetha andu ma nthi maketha na utonyi wianata, nithaithaa Ngai munene na wi vinya mbee woo on the! Ataiwe Yesu!



KÚSOMA MBEANGE
1 Yoana 4:4



**MÍTHENYA 365 YA KÚSOMA
MBIVILIA – MÚTHENYA WA 82**
Kutungiliilwa kwa miao 22-24; Maliko
13:21-37

GoodNews
DAILY

ON THE NI YIULU WAKU

Yakovo 1:22 [NLT]

Ateo ndukethukiisye ndeto ya Ngai tu. No nginya wike kila ikwasya. Etha ti uu, wikengete mweene.

Waaisa kumanya kana kilasi kyaku kya kwikala, muno muno yiulu wa uthwii na uima wa mwii, yithaa yiulu waku? Onetha wi muikiiku na ukenengane kwa Ngai ata, ndeunenga uima wa mwii kana uthwii oou. Ii ti mithinzio, ni matokeo ma kutumia ndeto yake.

Ngai akunengete ndeto ayikwatya, kwisila kumitumia, kila watho waunengie nukwiania thayuni waku. Ateo Aklisto aingi matesi mwiao uu, methaa na muikiio wa uvungu kana "maundu mathuku mekikaa kwa andu ala aseu."

Uw'o ni, onakutw'ika kwinengane kwa mundu vala ve Ngai kwi vata, tikw'o kuamuaa kiwango kya thayu wa muklisto. Kutumia miao ila yi maandikoni niyo itumaa. Ngai nukunengete vinya na utonyi wa kualyula thayu waku. Ikulyo yila yaw'o ni, nukuutumia?

ÚNEENI WA WATHANI

Uthwii wakwa ni yiulu wakwa! Ngai nunengete syindu ila ngwenda nikenda nithue. Mwaka uu, ningutumia nesa kila kyonthe unengete isyitwani inene ya Yesu! Ameni.



KÚSOMA MBEANGE

Luka 10:19



**MÍTHENYA 365 YA KÚSOMA
MBIVILIA – MÚTHENYA WA 83**

Kutungiliilwa kwa miao 25-27; Maliko
14:1-36

GoodNews
DAILY

KILA WONAA NIKYO UKWATAA

Yosua 6:2 [KJV]

Na Yeova amwia yosua, sisya, nininenganite yeliko, na musumbi wayo, na ngumbau nene, kw'okoni kwaku.

Nthino yithaa yiungamiitwe ni kila kikikaa vevani. Kwa uu, Utanamba ukwata kila Klisto ukunenge, no nginya wame ukyona kiyikika vevani, ti kwona na metho ma nyama, lakini na metho ma veva. Uu ni umwe wa miao ila yithaa ikwete usumbi.

Nthini wa musoa wa umunthi, Yosua atalanasya maundu ala meekikie nikana maete kau wa yeliko. Mbee kila ita kumbanw'a kana muio w'on the wa kau kumw'a, Ngai aneenie kana musyi usu wai unenganiwe mokoni make. Kila Yosua waile kwika kwai kuwona mbee.

Ngai nunenganite kila kyonthe ukwenda kuendeeya na kuthua. Ona undu usu wi mwikiku nthini wa veva kwisila mboya na kusoma ndeto yake, na u koona uyikika thayuni waku.

ÚNEENI WA WATHANI


Niona uthwii, uima umite kwa Ngai, myanya ya mawia, na mauathimo ninenganitwe kw'okoni kwakwa! Ninzindite kau uu yiulu wa mumaita kila ngaliko ya thayu wakwa. Amen.



KÚSOMA MBEANGE
Mwambiliilo 13:14-15



**MÍTHENYA 365 YA KÚSOMA
MBIVILIA – MÚTHENYA WA 84**
Kutungiliilwa kwa miao 28-29;
Malikov14:37-72



NGAI EASYATA?

Yovu 22:28

O na ukatw'a undu, na ukalulumilw'a kwaku, na kyeni kikakeneeee mien-dele yaku.

Aklisto aingi maalyulaa maana ila yaw'o na useo ula maandiko matuvundiasya yiulu wa vinya wa kuneena. Kumbula ti kwikala tu uineena ndeto sya kwaka kana kwisiia na mesilya mathuku, ni ndeto syaku kuendanya na uw'o wa ndeto ya Ngai. Musoa wa umunthi witulilikan'ya kana ila tweeyiaa twi muamba na ndeto ya Ngai, twithaa tuithukumithya wendi wake maunduni maitu a ndwi wa nthino

Kumbula ti kutungiliila syindu utekwisilya ta itoloka. Kwithaa na vinya ila ndeto syaku syaatiia kila Ngai ukwasya yiulu waku. Kwa uu, easyata? Easya ookie ni kenda utonye kuathimika na uyitha na uima wa mwii. Na wina utonyi yiulu wa monene na mokumu. Na ndwi wa nthi ino. Neena uu na ukumu! Ti uw'o tu wa veva kwaku; ni uw'o ona kwa thayu wa kawaida onaw'o.

ÚNEENI WA WATHANI

Ndeto ila nguneena syi muamba vyu na ndeto ya Ngai. Ila ngumbula kila maandiko mekwasya yiulu wa thayu wakwa, nitumaa uw'o usu wiania maunduni makwa, isyitwani ya Yesu. Amen.



KÚSOMA MBEANGE

2 Akolinto 4:13



**MÍTHENYA 365 YA KÚSOMA
MBIVILIA – MÚTHENYA WA 85**

Kutungiliilwa kwa miao 30-31; Maliko
15:1-24

GoodNews
DAILY

IVINDA YILA YAILE VS KILA KI NGOONI

2 Timotheo 4:2 [KJV]

Tavan'ya ila ndeto; ithiwa wi muthangaau ivinda yaile, na ila yitaile, onan'ya mavityo, kan'ya, taa, na wumiisyo w'onthe na kumanyisya.

Ivindani yii ya muthya, atavan'ya nthi yonthe nimathingiliilaa vata wa kusinda mathayu kwa kumya andu kivinduni mamaetete kyenini kya mwana wa Ngai, Yesu Klisto. Ona uu wi ovo, aklisto aingi matavanasya ndeto ila meew'a ve vata, vandu va ila veva mutheu wamathuthya meke uu. Musoa wa umunthi witulilikan'ya kana wia witu ni kwikala twiyumbanitye kunengane muikiio witu, ivindani na kute ivindani.

Ngai ndathukumaa kwianana na mivango yitu ila tuvangite. Ila Veva Mutheu wauthuthya uneene, nduketeele nginya ila uuiw'a ivinda yi yailu, ika. Yesu, ngelekan'yo yitu nzeo, aneenie ndeto na ukumbau, ateenda kumanya yiulu wa ala mamwendeeaa mothuku. Lea kuvindua kila maandiko maneenete nesa. Ndukalee kuatiia ila Veva wauthuthya uvikie mundu na ndeto ya Ngai. Sakua kila ki ngooni mbee wa ivinda yila yaile.

ÚNEENI WA WATHANI

Saa syonthe niniyumbanitye kunyaiikya uvoo wa Yesu Klisto kwa kila mundu, vandu vonthe, saa syonthe! Wia wa kulewa ndukasii wendi wan goo kutethya ala angi. Ta Yesu, nisakua wendi wa ngoo mbee wa ivinda yila yaile! Amen.



KÚSOMA MBEANGE

1 Vetelo 3:15



**MÍTHENYA 365 YA KÚSOMA
MBIVILIA – MÚTHENYA WA 86**

Kutungiliilwa kwa miao 32-34; Maliko
15:25-47



YIULU WA MAWISILO ON THE

Alomi 12:2 [NIV]

Na muikaatiie maundu ma nthino, indi muvinduwe ni kualy'ulwa kwa ngoo syenyu. Na mukeetha mutonya kumanya wendi wa Ngai ni wiva – useo wake, ukwendeesya na kwitikilika kula kwianiu.

Ve anga ivitukite ii ya kawaida, anga ya utaio, vala ndeto ya Ngai niyo musingi ula munene mbee. Nthini wa uw'o uu wa yiulu, miao ila ithukumaa yumaa ndetoni ya Ngai. Kwisila Klisto, wi wa anga isu, na Ngai nukunengete ndeto yake kuuvundisya thayu wi yiulu wa kila mawisilo oonthe. Kwa uu ndukaatate kwasya, "ni mawisiloni," usu ndwisa kwitha no uw'o waku. Nthini wa Klisto, wikalaa yiulu wa mawisilo onthe mathuku.

Kutembea vyu thayuni uu wa yiulu , kiliko kyaku ni nginya kinyivye vyu ndetoni ya Ngai. Kwa kulasimithya mwii waku kuaatiia uw'o wa Ngai, withaa wauma syisiloni sya uwau, ukya, mesilya maingi, na mwaa muthuku, na uilika nthini wa uw'o mweu wa uthwii na kwaila.

ÚNEENI WA WATHANI

Niklaa yiulu wa mawisilo onthe! Nikalaa thayu uvathanitw'e vyu na mathina ala nthino yisilaa. Nisyaitwe nthini wa anga ya unene wa Ngai! Amen.



KÚSOMA MBEANGE

Aeveso 2:6



**MÍTHENYA 365 YA KÚSOMA
MBIVILIA – MÚTHENYA WA 87**

Yosua 1-3; Maliko 16

GoodNews
DAILY

UNDU I'THE UILYI, NOW'O MWANA UILYI

2 Akolintho 3:18 [KJV]

Indi ithyonthe, na mothyu mate mavw'ike tukyona utheu mutisu wa Ngai ta kisisyoni, nituualyulwa na kwosa muvw'ano usu, kuma utheu mutisu kuvikia utheu mutisu, o ta kuma kwa Mwaii, nake niwe Veva.

Yesu Klisto ekalile nthino ti ta mwana wa Ngai nthini wa unene wake w'on the, lakini ta mwana wa Ngai. Asakuie kwikala ta Mundu onan'ye syama, na mosenyo na mavinya ala weekie na syikike nue we, kana kake, ona wio mwiini uu wa nthino.

Ila uendeeye na kusoma maandiko na kwona mokusii manene ma uthukumi wake, ndukone meko make ta matatonyeka. Yesu ookie ethe ngelekan'yo nzeo, uvano wa undu twaile kwikala. Kikw'u kyake ngelan'yoni kuyai kwa wovosyo wiw'oka; kyai ni kana utonye ukwata na kwikala na utonyi usu na thayyu ula winaw'o.

ÚNEENI WA WATHANI

Nina thayu wa Klisto nthini wakwa! Mwaii Yesu ni ngelekan'yo yakwa nzeo, na ila ngusoma na kusuania ndetoni yake, ni mualyule kila muthenya nikale ta visa wake. Amenii.



KÚSOMA MBEANGE

1 Yoana 4:17



**MÍTHENYA 365 YA KÚSOMA
MBIVILIA – MÚTHENYA WA 88**

Yosua 4-6; Yoana 1:1-28



KILA KIKETHIWA, KIKEETHIWA

Luka 10:19 [KJV]

Nimwenei, ninamunenga ukumu wa ukinya iulu wa nzoka na ing'au, na iulu wa vinya w'onthe wa mumaitha; na muikona undu muthuku nongi.

Kwi muisyo wa aklisto ala maleaa umanya vinya ula menaw'o kuvindua mathayu moo. Aingi mekalaa thayu oou, mayitikilya mawisilo kuamua maundu moo, vandu va kulasimithya uvinduku. Ndeto ta, "kila kikethiwa kikeethiwa" kana "ethiwa ni kyakwa, nikikuka" ni uvungu kuma kwa mumaitha useuvitw'e kusiia utiwa waku.

Ta umwe usyaitwe ni Ngai, wimunenge ukumu na vinya wa kuvetanga kila muvango na yisilya ithuk ya mumaitha. Nowite kindu kyonthe Klisto wakunee na kiyithiwa. Kii kimaanisya no uneene uathimo, uima wa mwii, na uyiyaia kila muthemba wa uathimo kuka usembete thayuni waku. Kwata ndeto ya Ngai umunthi, tembea nthini wayo, na uikusia thayu waku uivinduka vyu.

ÚNEENI WA WATHANI

Ndikesa kwitha nimulinde metho! Vai undu uvitukite utonyi wakwa`wa kuvindua. Ndi muklisto wa kuvinduiwa maundu; ninyie ndumaa maundu maivinduka! Amen.



KÚSOMA MBEANGE
Avilivi 4:13



MÍTHENYA 365 YA KÚSOMA
MBIVILIA – MÚTHENYA WA 89
Yosua 7-9; Yoana 1:29-51

GoodNews
DAILY

KUEMA UMANYA NDETO

Osea 4:6 (KJV)

Andu makwa nimanangawa ni kwaa umanyi; nikwithiwa niwaleile umanyi, o nakwa ngakulea, ni kana ndukethiwe muthembi kwakwa; nundu niwulitwe ni miao ya Ngai waku, onakwa ngoolwa ni syana syaku.

Nthini wa koti wa miao, kulea kumanya ti kisingisio kitikilye. Ve woo, aklisto aingi mayisi uw'o wa maandiko. Nundu wa uu, mekalaa thayu wa kawaida usiwe ni kyalya, ukya, kuthelwa, na kuthina. Ti ai kwitha ti wendi wa Ngai, ateo nundu mayisi syindu ila syithaa syi syoo.

Mbivilia nineenete yu; Andu ma Ngai manangawa ni kwaa umanyi, ti ati nundu mumaitha ena vinya mwingi. Lakini nundu mayiyumbaniteye kumusiiia. Ndeto ya Ngai niyo miio yaku ya kau. Wamisoma na kumisililya, ukwataa miio yak au wa veva kusinda kila ivithukii ya ndevili. Lea kwikala nthi wa utiwa waku. Tembea nthini wa utonyi na watho wa ndeto ya Ngai!

ÚNEENI WA WATHANI

Ni muklisto usomaa! Kwisila kusoma ndeto ya Ngai, niyumbanisya kau. Ila nasoma ndeto, mumaitha ndethaa na mwanya! Unene w'onthe ni wa Ngai. Amen.



KÚSOMA MBEANGE
Isaia 5:13



MÍTHENYA 365 YA KÚSOMA
MBIVILIA – MÚTHENYA WA 90
Yosua 10-12; Yoana 2



PROPHECTIC GUIDE

The GoodNews Daily is pleased to introduce dedicated editions thoughtfully created for teens and children, accompanying our main devotional. Each edition delivers the daily prophetic Word directly from the heart of Prophet Uebert Angel, presented in a way that speaks to every stage of life and connects with every member of the family.

These devotionals have been carefully put together to make the Word of God come alive in a relatable and impactful way, helping readers grow in faith, understanding and spiritual maturity. Our mission is to ensure that God's truth reaches heart of all ages, inspiring a deeper walk with Him each day.

TEENS EDITION

Goes deeper with powerful insights that equip young people to navigate life's challenges with spiritual wisdom and strength.

KIDS EDITION

Designed to introduce foundational concepts of faith, love, and God's promises in a fun and engaging way helping young hearts develop a strong relationship with God and bringing the Bible to life.



Each day, you will receive your Prophetic Word of the Day written by Prophet Uebert Angel, a divine message to strengthen your walk with God and guide you in living by His Word. It is a powerful way for families to grow together in faith and deepen their understanding of God's truth.

DON'T MISS OUT!

Start experiencing the transformative power of the GoodNews Daily, a prophetic guide designed to uplift and inspire every generation!





MWIAÍI WAITÚ YESÚ KLISTO

Mwiaíi waitu Yesuú klisto níwe ívia ya kíkotoní ya múíkííó wa úklisto, Thayú wake na maúmanyísyó make mena músango Munene múno nthíní wa thayú witú. Mwíai waitú Yesú klisto níwísíkíe kwa wendo, úí, na meko ma syama ila weekie. Úvoo wake wausíe wendo, úequeo, na watho wa thayú útathela, ayíete wíkwatyo na wovosyo kwa on the ala mamúíkííaa.

Nthíní wa útavana wake w'on the, níwatembeie nthí yay uta, avoetye awau, aimakiakisya ala mathínítw'e, na aitavana yiulu wa usumbí wa Ngai útekathela.

Kúmwosa Yesú klisto ta mútangíi na mwovosya wa thayú waku yimaanishaa kwítíkíla maúmanyísyó make na kúthokya útheu wake thayúní waku. Ní kyaló kya wíaniu wa ú veva, úthing'ííw'e múíkííoní, na watho wa útangíio.

Kwísíla kwa mwíaií waitú Yesú klisto, nítúkwataa vinya, wíkwatyo, na nzía ya muuo útakathela. Kúvow'a, kana kutangííwa, ní kwínyivísya Ngai na mivango na masúania make thayúní witú. Ní kueba nzía sitú ila sya tene na kúmúthiúúkíá Yesú klisto, kúmúwítya uequeo núndú wa naí sitú na aitúnenga thayú meú nthíní wake.

ALOMI 10:9 [KJV] "níkwíthíwa ethíwa úkamumbúla Yesú na kanyw'a waku kana níwe Mwíaií, na úkeetíkíla ngooní yaku kana Ngai níwamúthayúúkisye kúmumya akw'úní, úkatangííwa"

Utangíio ní múthínzío witu wa mana kuma kwa Ngai na túitw'íka syana syake. Ní wítíkílo utesa kuvindúwa nthíní wa nyúmbe ya Ngai na uyíkíwa vinya wíkale thayu w'onthe muima wina kíeleelo kya kwonania Ngai kwa syumbe syake.

NÚMWOSETE
YESÚ KLISTO?

"Núndú mwana wa múnú nívokie kúmantha na kútangíia kíla kyaai" – Luka 19.10 [KJV]

TWÍÚTHOKYA ÚTW'ÍKITHYE YESU MWÍÁÍ WA THAYÚ WAKU KWA ÚVOYA MBOYA INO;

"Asa Ngai, nooka Kwaku ísyítwaní ya yesú klisto. Nííkíia na ngoo yakwa yonthe nthiní wa yesú klisto, mwana wa Ngai úla wí thayú. Nínguikíia akw'ie núndú wakwa na Ngai amúthayúúkyia kuma akw'úní. Nínguikíia e thayú úmúnthí. Níngumbúla na kanyw'a wakwa kana yesu klisto ní mwíaii wa thayú wakwa kuma úmúnthí. Núndú wake na ísyítwa yake , nína thayú útathela; Nínzyaitwe íngí"

**Ni úseo!
Yu wi mwana wa Ngai.**

Endeea na kwíana wikalíte ndetoni yake, úvoya kíla múthenya, na kulúmya múíkíio waku, Ngai ena savalí nzeo múno mbee waku.

Kwíana ta múklisto mbeange neena naitú
UK: +44 3333 448 612 | USA +1 240 781 6942
RSA: +27 51 004 0209 | ZWE +263 773 195 955
Email: gnd@goodnewsdaily.com





MAANDÍKO MA ÚSIÍ

Wí múthyúlúluke ní Vinya wa Ngai, Vai Úthúku Úúngama Úvathúkanu Naku!

ISAIA 54.

14. We ũkalŭlŭmŭlw'a ũlŭngalunĩ: ũkeethiwa kŭasa na kŭthĩnw'a, nŭndũ ndŭkakĩa; na kŭasa na kŭtĩsw'a, nŭndũ kŭtikakŭthengeea

15. Sisya, matonya kŭmbana, ĩndĩ ti kwondũ wakwa: o ũla ũkakŭmbanĩa akavalŭka nŭndũ waku

16. Sisya, nĩnũmbĩte mŭtwii ũla ũvuvaa mwaki wa makaa, na aiumya mŭio wa wĩa wake; na nĩnũmbĩte mwanangi wa kwananga

17. Mŭio o na wĩva ũla ũseŭvĩtw'e ũkŭkite ndŭkaĩla; na kĩla ũĩmĩ ũla ũkakŭkĩlĩla ũkŭsilĩle ũkoosilĩla. Ũũ nĩw'o ũtĩiwa wa athŭkŭmi ma Yeova, na ũlŭngalu woo ũla wumaa kwakwa, easya ũu Yeova

Uú nĩw'o Ngai únúkwasya na nduema kwithiwa ísyítwaní ya Yesú.

Kwĩana ta múklisto mbeange neena naitú
UK: +44 3333 448 612 | USA +1 240 781 6942
RSA: +27 51 004 0209 | ZWE +263 773 195 955
Email: gnd@goodnewsworld.com



SCAN ME



MÚTHINZÍO WA ÚTANGÍÓ

ALOMI 10:9 [KJV]

"nĩkwĩthĩwa ethĩwa ũkamumbũla Yesũ na kanyw'a waku kana nĩwe Mwĩaiĩ, na ũkeetikĩla ngoonĩ yaku kana Ngai nĩwamũthayũũkisye kũmumya akw'ũnĩ, ũkatangĩwa"


Útangíio nĩw'o kyama kĩla kĩnene yĩlũlũ wa syonthe. Ndũkwatawa nũndũ wa meko maseo kana vitii wa mũthaithĩle, ní mũthĩnzĩio wa mana kuma kwa Ngai. Íla Yesũ wakw'ie na athayũũka íngĩ, avingũie nzĩa kwa kĩla ũmwe ovow'e kuma naĩnĩ na ayietwe thayũni útathela. Moko make nĩmavingue vyũ , eyũmbanĩtye kũmũthokya ũla w'onthe ũkwitĩkĩla na kwĩta ísyĩtwa yake.

Vayĩumakya na vala ũnaĩ kana kĩla wĩkĩte. Nthakame ya Yesũ íthambasya kĩla naĩ, ívĩtyo yonthe, na kĩla ũvalũku. Nthĩnĩ wa ívinda yĩmwe ya muĩkĩfĩo, útene ũivutwa, na thayũ mweũ úyambĩĩa. Kĩla waĩle kwĩka ní kũkĩĩĩa ngoonĩ yaku kana Yesũ ní mwĩaiĩ na úyumbũla na kanyw'a waku, oyu noũmwose.

Asya "Mwĩaiĩ Yesũ, nĩngũkĩĩa wakw'ie nũndũ wakwa na wathayũũka íngĩ, níkwitĩkĩla ta mwĩaiĩ na mwovosya wakwa"

Nũu yu, nĩwasyawa íngĩ1
Nĩwauma kĩkw'unĩ wooka
thayũnĩ





ÍVINDA YAKU YA YA ÚVOSYO

1 VETELO 2:24 [KJV]

"nake mwene akua naĩ sitũ mwĩĩnĩ wake mũtĩnĩ iũlũ, nĩ kana ithyĩ, tũkw'ite kwa naĩ, twĩthĩwe thayũ kwa ũlũngalu; na kwondũ wa makũnwa make nĩmwavoiw'e"

Úvosyo ti watho weteele wíanie, ní wía múthelu. Íla Yesú wambiwe ngelany'oni, ndaakua naĩ syaku syoka, akuie maúwau on the, kila kyalya, na kila wonzu. Makúna ala maĩ múongonĩ wake nĩmo ndívi ya uima waku.



Ndwaíle ung'ang'ana kúkwata úvosyo, úvosyo waku wakwatikanie mbee wa miaka ngili ili mbítúku. Yu kila kítiele nue kúkííá. Ívinda íla weetíkíla Yesú klisto, vinya úla wamúthayúúkisye kuma akw'uní wambííaa úthúkúma nthíní wa mwíi waku.

Neena thayú kwa kila ímutha na kila ívındí . Lea kwíyonaa ta wí múwau. Vatili yake neena na úkúmú : "Kwa makúno make ní múvou"

Ndatíkaní íí, vinya úsu wa úvosyo wí nthíní waku. Kíla kíndú kya úwau lasima kinamie isyítwa ya Yesú.

Wose, úvosyo waku wí vaa!



WONI WA NTHÍ NIMA WENDAA MÚVOTHI WA NTHÍ NIMA

TW'IKA KÍTUÍ KYA ÚVOO MÚSEO WA KÍLA MÚTHENYA



Kíla mwai, ituí sitú ila syíyumítye ninenganae mavuku ma mana ma úvoó múseo wa kíla múthenya kwa andú ala me nyúmbani ya ndiwa, kolokolóní, masivitalí, nyúmbani sya andú akúú , masukulu, ovisini sya silikalí, na kundu kúngí kwingí nthí yonthe. Túkwatíte maúkúsí mate útalo ma útangíio, úvosyo, úkwati, na syama ingí mbingí núndu wa kúnengane mavuku aa nthí nima.

Úngana naitú wíthe úmwe wa múendo úú mútheu wa Ngai., kúnenga múndú úvínúdu wa mwambílílyo mweú na wíkwatyo mweú wa úní.

Túunge ta kítuí ya úvoó múseo wa kíla múthenya

Kwíana ta múklisto mbeange neena naitú
UK: +44 3333 448 612 | USA +1 240 781 6942
RSA: +27 51 004 0209 | ZWE +263 773 195 955
Email: gnd@goodnewsdaily.com





UVOO ÚMWE ITHYOMO MBINGÍ

NÚNDÚ ÚVOO WA YESÚ KLISTO NDWÍSÍ ÚVATHÚKANU WA ITHYOMO

Úvoo múseo wa kila múthenya núvindúite mathayú nthí nima kwísíla úalyúlo wa ithyomo mbingi ila ineenawa múno nthi yonthe, kúnenga milioni kúkwata úmanyi wa kwovosya wa Yesú klisto. Kwísíla nthi na sythío kívathúkanio, andú kila ngalíko nímakomaníte na ndeto ya wathani na na kúkomana na maúndú ma kúalyúúla thayú kwísíla úthaithi uú wa Ngai.



Uvoo múseo wa kila múthenya nútilíte isií na kúneena ímwe kwa ímwe ngooni sya andú kwa ithyomo syoo eene. Kuma míveani, na masukulu nginya makanisani, sukulu nene na nginya atongoi na asumbí, ívikíaa andú ma ilasi syonthe.

Íkuíte ndeto ya wathani ya mwathani Uebert Angel kwa kila nthí na kila kavila, úvoo múseo wa kila múthenya nútetheesye kwíanísyá múvango múnene wa nzyawa ino.

KUMYA MUVOTHI TEMBELEA WEBSITE YITU

KALIVÚ KÚLA ÚTONYA ÚTÚKWATYA MITANDAONÍ



KUMANYA MBEANGE VIKI MITANDAONÍ YITÚ ÚMÚNTHÍ

Vika mūtandaoní wa úvoo múseo wa kila múthenya úkwate úthaithi wa andú aima, amúika, na syana, kila ímwe íandíkítwe nesa kúlúlúmíílya múíkíío waku na kúúnenga úí wa yílú kúmanyá ndeto ya Ngai. Mítandao kelí yina kísomo kya íúlú kuma kwa mwathani Uebert Angel , kwíkala múimanyíthw'a maúndú ala maendeeye yílú wa úvoo múseo wa kila múthenya, na úthw'ii úngí mwingí úséúvitw'e kútetheesya kwíana na kúkíla ngalíko syonthe sya thayú waku.

Etha wímantha úthuthyo wa kila múthenya, úvuany'o wa kínthíní, kana nzía sya kwíkala úikwatíania na nthí ya úvoo múseo, kila kyonthe úkwenda kíkwatíkana vandú vamwe nthíní wa mítandao wa úvoo múseo wa kila múthenya.



Kwatana naitú mítandaoni ya kímúnthi

@goodnewsdailydevotional

For daily encouragement, teachings and uplifting messages.

WEBSITE YITÙ NÌ

TWÍVO KÍLA MUTHENYA



Kwatana na mbaí yitú ya ethukiisya ma úthaithi nthi yonthe. Íthukiisye úvoo múseo kwa sportfy na úyítikila úw'ike mútindania nziana ya kwiana nthini wa vevana uw'o wa mbivilia ungu wa úvuany'o na úanyisya wa mwathani Uebert Angel



TWÍVO KÍLA MUTHENYA



YouTube

Túkúetee úkúsi waw'o wa thayú wa maúndú ala úvoo múseo wa kila múthenya wikite nthi yonthe nthini wa youtube. Ta namba imwe kwa únyalikya wa úvoo múseo , ívikite na kúvándú mathayú mate útalo kwisila úvoo wa wikwatyo, wendo , na múkílo. Kwisila úmanyithya wa mwathani Uebert Angel , úvoo múseo wa kila múthenya útw'ikite muo wa vinya kúvándú thayú sya andú, kwonia etikili nzia na kúlúlúmíly muendo woo na Ngai.



ÍKALA ÚKWATÍANITE NAÍTU, WÍKALE WÍ MÚTHANGAASYE

 @GOODNEWSDAILYDEVOTIONAL

SUBSCRIBE NOW

SUBSCRIBE NOW

www.goodnewsdailydevotional.com

GoodNews DAILY CONNECT

NDETO NZAÚ KÍLA MÚTHENYA, ITINA YÍMWE TU.



YU NÍKÚKWATÍKANA

Íkala úkwataníte na ndeto vala vonthe ú! Kwatithya úthaiti wa kila múthenya, úvoo wa úkúkílya na úmanyithya wa vinya wa mwathani Uebert Angel úla úkúkúlúlúmílya múkíío kila múthenya.



NDUKA YITÚ

KÍLA KÍNDÚ KYONTHE VANDÚ VAMWE



ÚVOO MÚSEO WA KÍLA MÚTHENYA UMYA WA MBEE

Kwíkala thayú wína úsyao nthíní wa klisto wambííaa na wendi wa kúmanyana na kúelewa ndeto ya Ngai. Umya wa úvoo múseo , úandíkítwe ní mwathani Uebert Angel, nítumaa wendi úú wítha laisi na maana múno. Umya wa mbee úetae ilungu syina vinya syusúitwe ní úthaithi na na momanyísyo nthíní wa maúndú kívathúkanio, syonthe ivangitwe kwa nzia yí laisi kúatííaa na kúelewa. Kíla íthangú yíútethasya kwíana na vinya nthíní wa múíkííoo, úkwate úmanyi wa nthíní wa ndeto íí, na úíkwata viny awa Ngai úla úvándúaa thayú kíla múthenya.

TUMÍÀ CODE INO YI VAA ITHEO ÚKWATE THOOA MÙOLE
WA 10% WATHOOA YA MBEE: G O O D N E W S 1 0

SIKANI VAA KWA
NDUKA YONTHE





ISSUE 1 | 2026

MWAI WA MBEE – MWAI WA KELÍ – MWAI WA KATATÚ

Úvoo múseo wa kíla múthenya umítw'e ní Spirit Embassy.
Kanisa wa úvoo múseo, úinengane masomo ma wathani na úvuanio wa mwathani Uebert Angel. Ínenganítwe kúnyaíkyá úvoo wa Yesú klisto na kúne etíkíli vinya na ndeto ya Ngai.

KWA ÚVOO MBEANGE, VOYA, KANA KÚTW'IKA ÚMWE, KWA NDAÍA NEENA NA ÚVONGE WAKU WA VAKUVÍ

Ísyítwa Ya Úvonge;
Ísyítwa Ya Úla Úkúkwatíkana:
Namba Ya Simú:
Imeili:
Vala Úkwatíkanaa:

Úkííthyo wa umya wa 2025 ni Uebert Angel
Aki syonthe ní ngwate.

support@goodnewsworld.com
www.goodnewsworld.com

Kwa úvoo mbeange kana kúnengane úkúsí waku;
gnd@goodnewsworld.com | www.goodnewsdailydevotional.com

Kwíana mbeange ta múklisto neena naitú:
UK: +44 3333 448 612 | **USA** +1 240 781 6942
RSA: +27 51 004 0209 | **ZWE** +263 773 195 955
Email: gnd@goodnewsworld.com



SCAN ME



For further information on how to
grow as a Christian, please get in
touch with us at:

UK: +44 3333 448 612
USA +1 240 781 6942
RSA +27 51 004 0209
ZWE +263 773 195 955

gnd@goodnewsworld.com
goodnewsdailydevotional.com

**SCAN FOR YOUR
FREE DOWNLOAD**

